

地130.53

42

12

部二

物 人			
藝 術	耆 壽	篤 行	孝 友
	流 寓	忠 義	文 學

(八) 孝友

編者按書云惟孝友于兄弟未聞能孝於親而不友于兄弟者蓋孝友本乎庸行言之匪艱而行之維艱歷觀往世其能以孝友名者代有幾人此庸德之行古今所由並重也今日倡家庭革命之說以致父不父子不子倫常乖舛梟獍橫行大亂之階其以是乎夫人誰無父母誰無兄弟孝父母友兄弟人之常情在家庭能孝其父母友于兄弟者在社會亦必能忠于國家親其長上古云求忠臣於孝子之門諒哉斯言則孝友一門又烏可略而不言也

金

吉士寬南漢太守格之後五代徙居州之宜安里事親最孝富而好施贈昭勇

灤縣

志

卷十二

人物 孝友

大將軍

元

路進興字通舉大德間隨伯顏破賊累功賜敦武校尉辭歸奉母母卒餽粥編素哀毀逾節鄉人稱之

任伯仁金進士南麓先生詢六世孫性友愛讓產於弟伯義伯禮元貞中授銀

符進義副尉武衛親軍百夫長

按元史百官志進義副尉從八品又按將軍有武節武德武義武略之稱無武衛詳見府志

明

馮欽字師堯其先浙江海鹽人祖寧明初遷灤由歲貢任范縣主簿清勵至無以歸父源明初授忠義官欽聰穎彊記弱冠餼於庠後遊太學交四方碩彥推解以急友難正德中仕京衛經歷見逆瑾用事解組歸人以爲知幾源嘗訓子曰富者怨之府人已嫉之從而驕人事端起矣欽能守父戒故推誠施與閭里恆被其澤

王克勤。州庠生。事繼母以孝聞。萬曆十三年。學按兩獎其閭。傅有良。事親至孝。崇正七年。巡撫楊公旌其門。

清

夏曰瑚。邑庠生。父輔明。於崇正九年。隨叔建中官扶風。死於流寇。家人負骸骨歸。瑚甫五歲。母聶氏守節撫孤。瑚自幼事母孝。母病密爲嘗糞。及沒。哀毀逾常。七日不食。竭蹶殯葬。廬於墓側。日夜哭泣。哀感行路。及三年歸。猶日三至墓。呼母不應。號泣反。至老風雨無間。

王爾瑜。字荆巖。邑增生。生於萬曆末年。性孝友。幼失恃。順治初。父卒。廬墓三年。初。父晚年納妾。生子爾璋。彌留時。謂瑜曰。爾何以待爾弟。對曰。如子。父曰。吾日瞑矣。後撫弟成立。入邑庠。本府志

鄭耀先。字伯熠。中選季子。天姿英銳。性孝友。九歲能通左國文。及長。魁梧有力。任俠善射。明末軍政不戢。潰卒剽掠。耀先偶與里中少年。騎射原野間。有父老

灤縣志卷十一 人物 孝友

二

哭而過之。曰。吾赴都中納馬。今爲賊劫去。其死於箠楚矣。耀先聞之。卽率家僮奪而返。父老拜謝去。母疾。躬侍湯藥。夜則臥母側。不解帶者月餘。母卒。號哭躡踊。數日水漿不入口。嘔血數升。卒於喪次。時年二十八。本鄭氏譜

高向辰。字欽鄰。尚書第長子。州廩生。繼母許卒。竭哀盡誠。扶櫬步行百里。友愛諸弟。若不知爲異母者。性任俠。推誠接物。每有指困之雅。遇寒士尤周卹之。年四十二卒。會葬者多名士。遐邇畢至。仲弟應辰。字欽明。性謙謹。不以貴介忤物。由官生任戶部照磨。聞父喪。痛躡奔赴。逮葬嘔血數升。三月而卒。

王學孔。郡學生。性至孝。幼失恃。事父及繼母汪。均得養志之道。力學弗售。賣志先母卒。母亦痛念。踰於所生。嘗泣曰。安得復見孝順如吾兒者。吾不以死爲戚也。

王維信。古冶人。少孤。不省所怙。及長。以未逮事父爲憾。益竭力承歡於母。母沒。廬墓三年。學官上其事。乾隆四十二年。題請旌表。

張孝子。失名十歲喪父。日夕哀號。鄰里感歎。爲人傭以養母。每早起。必市餅餌遺母。然後赴工。母或小疾。輒奔叩神廟泣禱。母壽至八十有二。張積產亦臻小康。

張麟生。于甯社人。自幼以孝聞。長居父喪。哀毀骨立。事母依依。不忍離。疾則代爲洗盥。扶持抑搔。雖有子弟弗使也。母病篤。親嘗湯藥。及卒。哀毀如喪父時。旣葬。不肯歸。其子斫亦不忍離其父。因編茅棲止。父子同守墓焉。每飯必供。晚必立墓側。一如生前視膳問安意。先是墓間多怪。至是遂絕。三年喪畢。子斫請父同歸。不聽。又居七年。鄉里共勸之。始歸。乾隆甲申。親黨上其事。例得建坊旌表。吳閭。字立中。邑庠生。父母沒。俱廬墓三年。

李雍。字春亭。邑庠生。性甯靜。好吟咏。學通經史。隱於醫。事繼母以孝聞。時或斷炊。有非其類來餽者。則瞠目視之。終不受。無子。有女二。皆能詩。雍年六十有六。因病忍餓死。本府志

灤縣志 卷十一 人物 孝友

張廷棟。字顯功。侍母病。夜不解帶者。至二十餘年無間。其事孀嫂。撫孤姪。靡不罄情盡慮。本府志

李起鳳。字鳴岐。幼失恃。事繼母鄭以孝聞。鄭疾病。起鳳割股以進。卒不起。及喪哀毀骨立。人咸稱之。本府志

王永徵。字靜源。有兄四。各析產居。其四兄與嫂俱沒。遺姪尙幼。徵親撫之。代總家事。比成立。乃還之。產倍於昔。嘉慶十六年大饑。施糧以濟其村人。凡逋負者。悉焚其券。十八年又輸穀八十石。入倂城義倉。得邀獎叙。從九品。

魯植梁。漢軍旗人。住魯家莊。幼讀書不慧。父瀾喜花木好潔。充內府莊頭。值道光二十九年大水。田禾盡壞。佃負纍纍。租款不以時入。遂失莊頭。未幾抑鬱死。植梁已壯。惟能勤儉。而無生計。恃薄田數畝。以供餽粥。性愚直。事母極孝。凡母所居室。一切洒掃澣濯。皆身任之。席淨無塵。箱篋皆揩磨如鏡。夏則務使之涼。冬則務使之暖。暇則依傍其母。或爲母捫蝨。母咄之。乃嘻笑不退。揣母將飢。則

出布餅餌以獻。或母却不食，必豫色勸嘗。凡所謂先意承志，可以得母歡心，無不竭力致。如是者十有八年。母沒乃已。植梁不爲外人道。人亦無知者。惟族叔錫藩微窺之，深加敬重。每外出歸，必視嫂以及植梁焉。

魯植棫，字茂材，漢軍旗人。住魯家莊。以貧不能應八旗童子試，就試於州。得遊庠，補增廣生。同治丁卯，館於京師。聞父病，急歸侍疾。藥必親嘗，以進。衣不解帶者六閱月。及卒，三日不食。哀毀骨立。比葬，欲廬墓，母不聽而止。母性嚴峻，植棫恐家人莫能喻意，獨與母同室居者十二年。飲食必問所欲，一切役使皆身任之。母年逾八旬，無疾而逝。哀毀如喪父時。植棫讀書，務觀大意。晚年漸入理學。尤服膺於姚江。暢其說數千言，爲論學大旨。著有漱腴軒古詩文稿六卷。子恒祥，仍以旗籍。於光緒乙酉舉於鄉。後官行唐縣教諭。河南新鄉縣知縣。

王莉榮，小廟莊人。幼聰穎，入庠後，棄舉業，習方伎風角等書，頗有心悟。復好擊劍，用暗器於數十步內，彈燕雀，應手而落。因少年失怙，尤孝其母。宗族鄉黨胥

灤縣志 卷十一 人物 孝友

稱云。

張循理，字上達，國學生。天性純孝，舉止端嚴，素不講理學，而自入理學一派。道光中，父母相繼沒，悲痛愈恒，遂斷酒，不茹葷，寢苦枕塊於棺側。與人言未嘗見齒。葬後廬墓三年，足未一返戶庭。嗣後每值父母生日忌辰，必親詣墓門奠饌。行之五十年如一日。同治八年卒，年八十三歲。曾文正公以其孝行，陳奏在案。子耀祖，郡庠生。孫汝舟，中同治癸酉副車。光緒乙亥舉於鄉。曾孫鶴峰，亦郡庠生。

劉煊，字炳南，李上莊人。家夙貧，年未冠，卽授徒。博修脯以養親。煊遊庠後，歲科兩試皆冠軍，名益著。鄉試屢薦不售。至咸豐辛亥，始登賢書。而年已五十矣。先是弟天池營商，客死關外。煊欲取其柩，蓋去家千里，苦無資斧，遂遊學出關。至其地，而柩終莫能舉也。因設帳授徒，積兩歲所得館金，始取骸骨以歸。平生與人易，無崖岸。復能清操自矢。晚年援例，授國子監學正。

任足兒。邑之葛莊人。足兒其小字也。襁褓中。父某謀食關外。數載無耗。足兒隨母傭於邑之朱姓家。年稍長。屢問父於母。將尋之。母答以不知。且禁其往。問父之年貌。亦勿告也。一日忽不辭母而去。徑出關尋父。半途貲罄。乞食行。至黑林鎮。值大雨。投宿破窰中。先有六七人在。憫其幼。與以食。且詢之。足兒自稱灤人。任姓。及尋父狀。衆詫曰。汝父吾侶也。少待且歸。雨止。某果來。衆迎告之。某愕然。足兒膝行前。哽咽不能成語。某備詢祖先名字。戚黨姓氏。及己之生年月日。足兒不能舉。某怒。謂衆爲戲。已揮足兒使去。曰。速他覓爾父。足兒曰。兒覓父既得。父矣。復何覓。兒幼家事。豈能周知。母又諱不以告。且兒歷千辛萬苦。至此者。惟欲雙親團聚。得侍晨昏耳。天下安有僞認父者。衆亦矢其非戲。強之歸。某終不信。又以囊空耻於返里。衆謂足兒曰。汝父疑汝悞。歸與母來。彼釋然矣。足兒然之。歸述年貌於母。果父也。欲同往。苦無貲。主人義之。畀數金。足兒遂奉母行。既至。夫妻父子相持大哭。鎮人瞻之。乃得歸。時足兒年甫十四也。朱名坦。庠生。

府本

灤縣志

卷十一

人物 孝友

五

志

朱景山。邢家莊人。父湧。好游蕩。不治生產。產罄。遂游於外。久無音耗。當湧外出時。景山方幼。母子相依。恒日不舉火。能負薪。卽爲人傭。勤於工作。主人愛之。時瞻其家。母藉免凍餒。及壯。積有薄產。兒耕母織。家業以興。遂商之母。欲往尋父。母搖首曰。當早填溝壑矣。尋之何濟。景山泣曰。使父若在。兒有家。父無家。兒心何以安乎。請母勿限以時。日當得父耗。歸報母命。因問父之年貌。甚悉。俱告之。遂與母別。悵悵無所之。信步而東。已遠至千里外矣。果遇父。若有神助。請與俱歸。父不許。瞪目視之曰。爾何能養我乎。景山曰。能。人皆婉勸。始與歸。景山乃自食粗糲。而以甘旨奉父母。父年亦老。倦於游蕩焉。

張興。梅二社張家莊人。少孤貧。姊弟三人。俱未成立。道光初歲大歉。貧益不支。其族叔某。虎而冠者也。誘其姊去。遂鬻之。興甫六七歲。莫能供晨夕。惟日伏官道旁。俟有乘車過者。卽叩頭乞哀。積一日之所賜。歸奉其母。至十餘歲。始克與

人傭牧。稍長負販。農忙則賃質爲客作。其母賴以溫飽。一日母忽垂涕。興怪問之。蓋憶女也。興問姊之形狀甚悉。遂慰問曰。母勿悲。兒幸能擔負。覓小經紀。雖天涯跡足可至。行將尋得姊來也。母亦無所可否。興乃負擔出。日販蔬果。且鬻且徙。數日後至一村。詢之榆子林也。見一婦人。與鄰嫗倚門偶語。自言幼時。被人誘賣至此。興聞之心動。釋擔揖而問其家世。乃其姊也。興備述所自來。姊弟相持痛哭。引至家。固由貧窶而小康矣。翌日御姊同歸。母大欣慰。後遂往來不絕。母享高壽而終。興不娶。爲弟辰娶妻。生一子。興晚年衰憊。爲弟夫婦所唾棄。竟窮餓死。

王星煥。字兆環。庠生。幼喪父。事母至孝。母年至九十。星煥已年逾耳順。恆依依孺慕。服事不離左右。兄之翰。登鄉榜後。忽遭痰疾。如癡如迷。衣服垢膩。見市食物者。則取啖之。不知給值也。星煥日遣人出入相隨。取人物則代償之。衣服每易以鮮潔。爲之調飲食之節。酌寒煖之宜。夜視其寢而後已。如是者四十餘年。

灤

縣

志

卷十一

人物 孝友

六

性端謹忠厚。生平不言人過。有族人名福洪者。籍隸大興。貧甚。鬻其故廬。攜子女行乞來尋。星煥欣然納之。給以衣履。俾與家人共飲食。男使學耕。女使學織。三十年後。福洪已稍有蓄積。星煥復益其資。爲買屋而居。福洪由此得飽煖焉。星煥居恆儉以自奉。遇鄉里有貧乏者。悉周恤之。光緒九年。灤河溢。壞民田廬無算。鄰里急切無所得食。星煥出金二百兩分給之。賴以全活。年八十二歲卒。以子蔭堂。由舉人大挑知縣。誥封奉直大夫。

鄭福。以流寓至灤。因家焉。小字虎人。又稱爲鄭虎。少孤。家赤貧。以負販糊口。自闔闔歸。必以旨甘奉母。自食糠粃。不使母知。恐貽母憂。或日僅一餐。自若也。母年近八十。中癱瘓者已念餘載。居斗室中。牀蓐外莫能跬步。福於溽暑時。日每三四歸。省母問所苦。不時負母出以納涼。福出自天性。固不求人知。人亦漸有知者。卒後。事聞於郡守游公智開。檄州牧入孝義祠。春秋祀之。

李念曾。字誦芬。粵家店人。舉人兆魁長子。品端學粹。早歲知名。父沒後。家益中

落。母操家政。部署有條。命念曾弟兄各執一藝。以佐生計。念曾課徒。得修脯俱以奉母。數十年無私積。一門孝友。藹然可風。光緒元年。念曾年幾耳順。始舉於鄉。五年母病故。痛哭嘔血。竟以毀卒。達於郡守。同時並鄭福入孝義祠。周柏林。字子貞。邑人。旗籍。天性至孝。同治三年母卒。哀毀骨立。既葬。欲廬墓。父阻之不得。遂四年父卒。柏林廬墓三年。

朱赫南。字晴江。候選訓導。性和平。事繼母以孝聞。與人接無忤色。酷嗜呂叔簡呻吟語。申覺盟荆園語。謝退谷教諭語。輒手鈔之。同治元年。舉孝廉方正。

張坦。性溫厚。父與繼母俱以老病臥床。凡飲食起居。動轉需人。坦躬自服侍。夜不解帶者十餘年。後父年至九十。繼母年八十餘。坦亦皤然老翁矣。先意承志。事之始終如一日。

張永清。天性至孝。而家極貧。咸豐間。父命出關謀生。不忍去。父督之切。不得已。遂行。未及半載。心忽動。乃兼程歸。父母適構危疾。以其貧。無肯醫者。永清涕泣。

藥

縣

志

卷十一

人物孝友

七

叩醫門。得施診治。夜復虔禱於神。誓斷葷酒。以益親壽。數日父病愈。而母竟沒矣。永清哀毀異常。竟斷葷酒。葬後益孝。養其父。無敢遠離。又數年父乃沒。哀毀如喪母時。

閻崑。字懷寶。彭家莊人。幼敏惠。及長爲文恣肆。不屑詹詹作枯寂語。納粟入監。應己亥鄉試。薦不售。方思攻苦。父德生性耽靜逸。嗜書畫。命崑理家政。遂棄舉子業。經理內外。嚴肅整齊。惟恐不當父意。性和易質直。遇親族急難者。恆依之。事親先意承志。務得歡心。父母均年登上壽。處鄉黨恂恂愿謹。不才智先人。人益以此多之。卒年八十一歲。子四。長繼宗。己未科舉人。由內閣侍讀。分發山西同知。次昶宗。庠生。三裕宗。庚午科舉人。清豐縣教諭。

唐福才。城西馮家坎人。家貧。事母以孝。携老母妻子。赴關外法庫門謀生。母病卒。不欲葬母於異鄉。乃乞食負母尸骨而歸。至今人稱其孝云。

趙步濂。字蓮溪。光緒乙酉歲貢生。性孝友。年十六父病。步濂親侍湯藥。衣不解

帶者累旬。夜半常焚香祝天。請以身代。及沒。哀毀骨立。痛不欲生。寢苦枕塊。悉遵古禮。中年奉母命。與兄析居。凡所有資產。必先推讓。恐兄嫂意有不給。有傷母心。洎兄嫂相繼亡故。竭力營葬。所得館穀不足。又稱貸而益之。皆以一身肩任。不使人知。猶子男女婚姻嫁娶。采禮裝奩。動費資財。不書賬券。恐累後人。胞妹失所天。無子無業。迎養家中。以終老焉。凡此皆先意承志。欲得母之歡心也。母年八十四卒。殯葬後。廬墓百日。

民國

白世俊。城內人。寄居一區新莊子。父早卒。家貧事母至孝。妻王氏亦賢淑。事姑能得其歡心。王氏病故。其母又患目疾。不能辨物。世俊以一身兼顧內外。時年逾不惑。以肩挑貿易油業爲生。每日晨起自爨。親奉母食畢。必將午飯。陳列母前。方出外營業。遇有售食物之鮮者。雖獲利僅錙銖。必購少許。備以孝親。暇時更爲母浣衣捫蝨。視母偶有憂容。則歌曲以解之。後母年八十餘。復患痰症。動

灤

縣

志

卷十一

人物 孝友

八

轉需人。遂日侍左右。不復出外貿易。其母臥病八年。至九十三而卒。葬後廬墓一月。鄉人咸稱道之。送有純孝性成。純孝可風。匾額兩方。標諸門首。以彰其孝焉。

(九)文學

編者按。縣志之列文學。卽仿國史之文苑儒林兩傳也。我灤自明清以來。不乏通博之士。碩彥鴻才。後先接踵。或薰香摘艷。揆班馬之鴻文。或含英咀華。繼韓歐之遺韻。文獻所在。國粹係焉。不朽盛業。所以尤重立言也。

明

尹樂堯。字莘野。邑庠生。孝友和慤。好讀書。不求聞達。篤嗜古文。環堵蕭然。誦聲如出金石。著作甚富。身後盡軼。自稱平灤塾士。

王柚。字飢寰。中丞鎬之孫。舉人淦之子。性恬澹。無欲。經史過目不忘。凡廿一史中。瑣細隱僻。不經人意者。問之。悉對答如流。家貧斷炊。嘯詠自若。舉明經不仕。以寒素終。

倫浹。字元谷。邑廩生。癖嗜典籍。寢饋沈酣。尤精濂洛性理之學。爲詞賦古文。澹永凝秀。規步昌黎次山。應試八躡棘闈。以諸生卒。貤封御史。所著有元谷子一

灤

縣

志

卷十一

人物文學

九

冊。祀鄉賢。

張汝能。字敷四。邑庠生。事兄如父。推產於幼弟。酷嗜詩古文詞。爲都學御史左蒼嶼所知。特拔餼廩。著作甚富。庚午兵燹後。皆散軼。門人王仲默。嘗言古今奇字。久無折質。先生自蟲文鳥篆。彙海內諸書所載怪異。不經見者。罔不詳其反切字義。可謂博矣。嗣子文燦。中副車。

王仲默。字穉恭。中丞鎬曾孫。灤諸生也。風度秀挺。髫年輒喜爲詩文。瘦媚若清蟬古木。遭仇陷。吏議亡走都門。與同人于思直輩唱酬。善小楷。自鐫石章。細勁同漢琢。卒後。郡人醵金。刊其遺稿。

李充桂。字攀之。號月樵。天姿醇亮。下筆千言。凡三試棘闈。薦不售。由明經司訓。獲鹿。再諭鹽山。士人多樂就之。

劉景周。字憲之。號鳴岐。邑人。寄籍盧龍。入庠後。以優等食餼。幼沈默。穎異。博通今古。篤孝行。一日猝夢緋衣人稱詔。內一聯云。玉碎白猶在。松枯節更堅。醒而

惡之。未百日卒。年五十四。著有易義心解三卷。詩文各稿存於家。

吉民。字君祝。邑庠生。性澹泊寡營。以春秋專經名於時。應制舉。兩置乙卷。遂絕意進取。鼎革後。當鄉貢。州牧促之不就。家貧常閉戶靜坐。生平無喜愠色。手注孝經。五載始就。曰。惟知經者知我也。尋卒。

張某。失其名。工部正郎。鵬翼孫也。少穎異。弱冠遊庠。遇甲申之變。卽自錮一室。命

家人穴壁進飲食。如是者五十餘載。雖骨肉莫能覩其面。又自寫小照。及心而止。並題五律云。圖形期自見。自見卻傷神。已是夢中夢。更逢身外身。筆花凝幻質。墨彩聚空塵。堪笑吾兼爾。同為未了人。生平多所著述。惜不得其遺稿。壽七十餘。

清

白應庚。字象先。原名培極。兒時出口卽成文辭。十一歲入泮。院試以冠軍食餼。書學二王。歲丙戌。中鄉試。益銳志進取。後夢有人告之曰。子欲為天榜第一人。

灤縣志 卷十二 人物文學

盜更名應庚乎。覺而異之。以為當應兆。遂更名。未幾卒。其時日皆庚辰云。

趙御衆。字寬夫。明季汀州府同知。申寵長子。順治十七年。從容城孫夏峰受學。追隨二十餘年。與及門諸子。往復辨難。皆入道之言。夏峰答寬夫書云。天地間只有這件事。無精粗大小內外之言。會得此。無處非這件事。聖賢隨人指點。總之是這件事。五經四子。任舉一語。皆要歸到原原本本處。易曰一致。子曰一貫。理也。中也。靜也。無欲也。矩也。一而已矣。工夫更無兩般。下手處。便是究竟處。此言盡之矣。寬夫已了了於心。故了了於口。其見許如此。按這為者之誤字。書這音彥。迎也。宋以來諸儒

語錄。多以這為者。蓋理學家。每不推究小學也。

倫可經。廩貢生。品卓第三子。康熙三十八年。裕親王命書冰玉堂匾額。面詢願養之術。三十九年十月廿一日。世宗憲皇帝。時居潛邸。過灤。賜鹿狍諸珍。命講易賦詩。題為獵馬帶禽歸。限三江韻。可經口占應命。詩云。西望旌旗出帝邦。行與東適涉灤江。宜人紫氣迎關合。市野清風與物龐。日近青宮馳駿馬。春臨黑

水起飛艘。網開三面。生爲德。共祝湯仁。萬獸降。詩出。上下傳誦。其父品卓。精於六書。可經能世。其家學。

裴緋。邑南裴家莊人。雍正甲辰登賢書。著有四書脈理醒睡集。藏於家。按緋生當清初。

文風樸茂。士專精制藝。故於宋元明諸儒語錄講義靡不貫澈胸中。而以己意獨標奧旨。爲書凡十餘卷。錄以蠅頭小楷。皆手抄也。聞將成書時。被人兩竊其稿。緋沮喪數月。終不忍割愛。復鏤心剔肝。胼手瘁掌。卒錄成之。寶藏於家。子孫世守。光緒乙未歲大歉。無知者持易斗粟爲富人得之。書乃見於世云。

李侃。字士行。歲貢生。潛心嗜學。得濂閩宗旨。凡所撰述。皆可師法。然不喜存稿。沒後。門下士。僅蒐得其文稿。刊行於世。

衛全。字慎修。城內人。著年穎異。日誦萬言。默識不遺一字。及長。於書無所不讀。聞歇甲山西方庵。有經一藏。乃裹糧遊焉。不一月。盡通內典。行文古奧。應京兆試。屢見黜。乾隆丙子科。復橐筆入闈。忽患病。草草納卷。竟中魁選。而年已老矣。著有詩文集。藏於家。曾孫縣。亦慧敏。讀書過目不忘。將應試。家貧不能具衣履。遂輟業。卒以窮死。

灤縣志 卷十一 人物文學

王焯。字成齋。鎬八世孫。學修行潔。登賢書後。試用山東知縣。以母老乞休。家居課讀。子孫多躋顯者。

石祖安。字砥如。乾隆辛卯舉人。所學根柢經史。淵博精邃。文藝警敏。下語如鑄。爲北平名宿。時邢良柱方應童子試。才氣咄咄逼人。目無餘子。語侵祖安。固未謀面也。祖安聞之。約與較藝。互相命題。刻燭以待。良柱大窘。祖安笑曰。子莫謂秦無人。雖然。孺子可教也。良柱乃服。後良柱舉於鄉。亦爲名下士。歷官縣令。狂如故。

李文芸。字聞我。乾隆辛酉拔貢生。質魯鈍。讀書百倍於人。始成誦。晚年家居授徒。蒔花種竹。以自適。喜怒不留胸臆。一言一行。皆可式。

李作謀。字祿舜。漢軍籍。嘉慶甲子舉人。謙虛渾厚。鄉里稱長者。善屬文。尤善以文誨人。隨其學。誼高下。多所成就。

王標。字普瞻。歲貢生。言行謹飭。多士奉爲楷模。年周花甲。試輒冠軍。一方稱宿。

學焉。

李儒珍字席之。乾隆辛酉。以拔萃貢成均。丁父艱。未與朝考。家居授徒。九試京兆。薦不售。乃肆力於經史諸子百家之言。學業日進。而遇益窮矣。著有饋貧糧三十卷。十稜園文稿四卷。詩稿一卷。俱未刊。

魯捷。邑庠生。潛心史學。嘗作姓氏啟蒙。成書若干卷。不下數十萬言。知州金英爲之序。藏稿未刊。

高徵。字伯蔭。富於資。性孝友。少受學於仁和卓金殿。

見流寓。

乾隆中葉。入泮食廩。

餼。屢赴秋闈不售。遂棄舉業。益肆力於詩古文詞。博覽典墳。殫心義理之學。家中落。乃授徒以養親焉。後子孫式微。著述多散軼。存有語錄十餘篇。詩一卷。蓋徵遺墨也。語錄論性理論仁義。論立品擇交。具有精義。如謂小人之剛者。貧斯濫。小人之柔者。貧斯諂。貧而憂者。恒人也。貧而怨者。小有才者也。貧而傲者。狂士也。貧而勵者。志士也。惟貧而樂者。非聖賢不能。凡貧者知命不貪。富者知足。

灤

縣

志

卷十一

人物文學

二二

不貪。君子知耻不貪。小人知懼不貪。三代後苟能好名亦不貪。然人之或廉或貪。必達而後見。以居家易而居官難也。古之居官猶易。今之居官更難也。古之居官者。酌乎古。今之居官者。酌乎今。惟勿苟得。勿矯廉而已。有無愧者三焉。有無損者三焉。無愧上也。無損次也。無愧者何。無愧天地。無愧鬼神。無愧清夜也。無損者何。無損父母之名。無損百姓之財。無損子孫之福也。凡臨財非能無愧。非能無損。則勿取。不苟得也。誠能無愧。誠能無損。則取之。不矯廉也。又謂天下之治亂。視乎禮之存亡。自冠禮廢。而童子弁。長幼無別矣。婚禮廢。而女子之嫁者。幾等於奔矣。喪禮誣。而音樂作。佛事修矣。祭禮紊。而宗法弗立。士庶胥留十數世之主矣。又謂君子所不師者有九。所不友者有八。不可汎交者有六。皆擇交之道也。又士之子若愚。不能讀書。可使爲農。不可使爲賈。農之子若秀。可使爲士。若於讀書遠。而於生財近。爲商可也。切勿爲吏。商之子若不得已。爲吏可也。凡讀書之人。勿與商交。故家之子。勿與吏交。又謂凡爲人子者。自奉宜從薄。

奉親宜從厚。故孝子每儉於自奉。而豐於祭。夫祭且宜豐。而況於死葬乎。況於生事乎。議論宏肆。皆至理名言。其大略如此。嘗作勵學詩云。聖學有真傳。立基忠與恕。不患修德孤。自有同人助。收功在靜專。敗業由馳譽。莫困利名場。莫投釋老處。利名能幾時。釋老無實據。悠悠仁義途。但去休回慮。初如子夜行。行行天欲曙。讀此詩。亦可見其學行之一斑云。裔孫玉玲。庠生。曾任香河縣縣長。衛鈍。字玉鏘。邑庠生。醇謹狷潔。不苟言笑。善鐵筆書畫。與人交。藹然可親。家貧炊爨偶有不舉。安閒自若。性愛山水。嘗渡河坐對岸間。觀玩偏涼閣勝概。呼爲天然畫圖。竟日不忍去。喜花竹。繞屋皆植之。忘懷得失。以此自終。

吳廷楷。字端植。邑庠生。樂善好施。尤工吟詠。著有詩稿藏於家。

惠景陶。字起潛。邑廩生。性醇謹。雖環堵蕭然。吟哦自得。幾不知爲貧。且老者。著有松菊詩草。未刊。

李直方。字正齋。邑庠生。幼讀書。刻苦自勵。慨然有志於聖賢之學。其教人也。以

灤縣志

卷十一

人物文學

一三

小學近思錄爲主。先示以爲人之理。而後導以應試之文。所著有中庸首章語脈一篇。溫檢錄。文稿百篇。戒賭文約一篇。

李恩捷。字春圃。之駿子。幼承世德。擅才譽。秋闈屢薦不售。父沒。家中落。就太學典簿。亦終未錄叙。生平善畫工詩。著有洛中吟。白下吟。晴雪山房詩草。三卷。

王人瑞。字穎陽。邑增生。爲郡守盧雅雨先生所賞拔。稱爲海陽名士。

孟柏年。字新甫。邑廩生。甘貧力學。著有學庸論語說。藏於家。

吳懷慎。字馨德。監生。城內故家也。能詩文。不求聞達。日以書卷自娛。手植庭前花木幾滿。門無雜賓。時與族姪武生祺齡。監生銓。相過從。尙論史鑑。評隲古人行事得失。皆具有卓識。訓族子。循循善誘。有過則反覆其詞。罕譬而喻。不加以疾言厲色。然其人已如芒刺在背。雖嚴師保不啻也。

陳克昌。字蓉圃。橋頭社袁家莊人。遵化籍。中道光甲辰科舉人。性端謹。所學深邃。門弟子登賢書者數十人。選授柏鄉縣教諭。多所啟迪。問字者車塵不絕。至

今其鄉士人猶私淑之。

吳龍圖字聖符。性嚴介。不苟取與。家貧勵學。遊庠後。習舉子業。攻苦益力。屢躋名場。遂閉門掃軌。謝絕賓客。築斗室。以書籍自娛。足不踰限者幾三十年。子靜涵。號錦江。郡庠生。

趙翹字翔韶。號橫南。家貧篤學。通經史。工行草書。舉於鄉。屢上春官不第。遂輟進取。立塾教授生徒。務爲根柢之學。門人得其傳者。多知名於時。猶子榮步。家極貧。食餼後。富豪某以未脫賤籍。其子將應童試。例當取廩生保結。乃以重利啖榮步。峻郤之。人以爲猶有橫南家法。

張玉衡學問淵邃。性狷潔。善詩古文辭。嘉慶己卯科。中副車。竟以授徒。終老牖下。少與畢夢梅齊名。夢梅才氣橫溢。而運用故事。必資獮祭。衡則腹笥便便。任意揮灑。遂兩不相下云。

杜鵬飛字毓翹。道光壬午科舉人。博覽強記。口吃不能道。從學者悉由筆授。工

灤

縣

志

卷十一

人物文學

一四

時文。一遵正軌。同時習舉業者莫與抗。子三省。字紹曾。道光丙午舉於鄉。

張堂字肅亭。徙居昌黎。道光甲辰舉人。性豪邁。工吟詠。每喜任事。而詩近王孟。與樂邑詩人張山善。嘗論詩。山主齊書傳論。若無新變。不能代雄。故意在生新。堂主生古人後。得其一體。皆可名家。故意在守轍。聞者兩是之。堂有書癖。恆典質以償書債。日手一編。家之有無弗問也。咸豐癸丑。以大挑一等。需次陝西。未補官卒。

馮淦字駿南。才敏多智。年十三應童子試。以默經得遊庠。及長。家貧無以供膏火。乃棄學就賈。權子母無遺算。得小康焉。復棄賈。閉戶讀書。吟哦自適。嘉慶間。州牧吳士鴻。聘修灤志。編纂多出其手。道光六年。監修文廟。出式。工匠不能辨。乃結爲殿庭。高尺餘。精巧無比。並畫其綽楔分寸。使準此伸之。殿遂成。今乃其式也。後以明經終。子五。孫淑異。丁卯舉人。淑勝。歲貢生。唐山訓導。

吳岱字東甫。城內人。讀書務求得閒。不落畦町。作制藝。腴潤高華。爲投時利器。

乾隆乙卯應鄉試已入彀房考欲以冠多士主司不可遂致齟齬被黜邢良柱舉於鄉其薦主卽岱前房考也殷殷問岱並言所以轉屬好自爲之將拭目待耳邢歸以告岱爲不寢食者數日竟中風時往文昌宮捧像而笑遂抑鬱死李鈞字佩琳嘉慶庚午舉人大挑一等以知縣用改教職授遵化州學正以親老不就閉戶讀書生平酷嗜八股文至老猶爲之不輟吳廉叔字密觀城內人幼承家學庭訓綦嚴所受書句讀無少訛舛及長博學多聞凡經史之僻字僻句俱能指在某卷某葉百不失一院試冠童子軍遊庠後澹於利祿不赴秋闈授徒自給年近七十卒

王一翰字宗齋天資穎異不屑爲章句學遂納粟入監素患口吃及酒酣耳熱議論風生人莫能折其角少從父宦遊江南作徽遊日記所歷山川人物風土事蹟隨筆紀敘皆雅飭不甚耽吟詠然每一語出輒雋永雅近宋元人作所存有歸囊草一册其警句云一縷晚煙垂岸綠半天斜日射波紅日氣初蒸深綠

灤縣志

卷十二

人物文學

水湖光遠映淺藍天一天星斗霜華重滿地江湖月色涼嫩綠漸勻芳草徑新紅初上海棠稍云云亦可窺見一斑餘見永平詩存並載府志

畢夢梅字雪莊後改名梅又號夢餘幼讀書聰穎過人凡所涉獵輒以赫蹏摘其精華要領手祿之以是學日進詩文益工一時聲名籍甚稱霹靂手喜談論機趣橫生所至傾一座時楚南名宿歐陽澗東主講敬勝書院梅獨以詩見賞投契甚深其餘不足當一盼也然同學者多春秋闈掇科第去梅則數奇不偶竟以明經終生平喜酒嗜音頗信釋氏輪迴之說人傳其能憶前生事叩之則笑曰妄也晚年得風痺疾益託於詩酒以消壘塊人有載酒至者則左絃右壺拊髀笑戲雖屠沽下走無擇焉所著有夢餘詩草論語說若干卷嘗自爲祭文其略曰嗚呼雪莊而今已矣白雲青山乃以酒死一墜輪迴刹那彈指悵望千秋幾人知己生平懺悔惟情爲累從今了卻拖泥帶水贊云可以詩人可以酒徒可以僻士可以狂夫而非造物之所喜者不爲方領矩步尋行數墨之儒

何廷光字燿心性坦夷豁達篤於孝友博學能文有聲譽序一時聰穎子弟多從之遊廷光各以其資之所近而成就之數十年塾爲之滿以明經終李錫章字榮九謙之子士傑孫性狷介自治綦嚴不隨俗轉道光乙未中鄉試第七名程墨出人爭誦之屢上春官不第名心遂澹生平喜談名理語必透宗雖名師宿儒莫能抗席州人耳其文望多以子弟屬焉錫章亦悉心講授門下士造就頗多晚受知於州牧游公智開時枉駕過從與論今古並贈以經師人師匾額錫章亦不往謝蓋耻於干謁云年六十九以舉人銓授交河縣教諭而錫章已卒子丙庠生孫壬甫癸巳科舉人宣城號芝田性和易邊幅嚴謹不踰矩度少羸弱略涉書史卽心好之父母懼其病瘵遂命輟學輸粟得理問職銜善隸楷行草書暨摩窠大字晨起卽命僮僕磨墨汁升許臨摹各帖以汁盡爲度至老不衰其結字若懸崖崩石千歲枯籐世多寶之

灤

縣

志

卷十一

人物文學

一六

田汝霖字雨峰家貧弱冠卽以舌耕自給刻苦勵學遂知名道光乙亥舉於鄉學者益衆隨其高下多所成就同治辛未年八十一赴禮闈試蒙恩賜國子監學正又五年乃卒

李其玉字溫如道光乙亥鄉試中第七名性孝友嘗赴都遇凍者於途解衣衣之而已反以忍寒致疾又嘗遇鬪者勸之其人方醉大遭詬厲其玉猶婉辭愉色慰之使去其父兄知之負荆於門其玉笑遣之年三十五以疾卒

石城字子固城內人有才藻爲文遲鈍終日含筆腐毫及脫稿清華名貴出人意料生平寡交遊喜文士遇必清談娓娓移晷不倦非其人則望望然去之或終日晤對不作一語道光丙午舉於鄉時季父煦方守貴陽石氏子弟多就之咸有沾溉城獨安澹泊無所希冀季父亦時有餽遺咸豐元年舉孝廉方正歷署贊皇清豐等縣教諭解組歸不善治生卒時至無以斂郡守游公智開聞之助以棺衾並親往弔焉

王一晉字鶴山。天姿明敏。讀書日數行下。過輒不忘。甫六齡。卽能誦綱目數十卷。尙未入塾也。時宿儒何廷光館其家。偶與客話。一晉過之。何聞其能讀。喚之前。使誦所讀綱目。對曰。一部十七史。從何處說起。遂跳舞而去。及長。從何受讀。始爲文。下筆千餘言。師每裁抑之。卽遊庠後。師範以先民矩矱。黜浮華。汰瀟漫。操觚七載。無一字是一晉益攻苦。臨文垂涕。一日忽大悟。遂語語精當。名貴。稱時藝作手。且操管立就。不假思索。其才敏然也。嘗從人假閱藏書。日盡數十卷。往來更換。人疑其誕。隨舉一卷詰之。則朗朗敷陳。盡舉其義。詰者乃服。道光壬辰應鄉試。已中選。因策內訛一字。竟置副車。客有談李虛中數者。一晉取其書讀之。不半月盡通其奧。乃廢書嘆曰。吾於某年死矣。至期果卒。年未五十也。著有鶴山詩草。

李健字秉乾。小王家莊人。性聰穎。而貌敦厚。幼時皆不知其慧。使受學於村夫子。讀數經矣。字句皆訛舛。漸覺其非。始改從名師。學業遂大進。入庠後。受知於

朱小雲太守。與州人李錫章。遷安李超羣齊名。復受知於吳甄甫學使。道光丁酉科。選拔貢生。庚子舉於鄉。一時談制藝者。罕出其右。家居授徒。門弟子擢甲乙科者甚夥。晚年選授廣平縣教諭。未到任卒。年八十二。著有致遠堂類稿二卷。制藝二卷。學庸講義二卷。堪輿管蠡集四卷。藏於家。子四。仲名清華。甲子科舉人。季名清臣。廩生。

閔德生字峻天。號雅亭。武庠生。善事親。李中孚茂才贈詩云。高堂色養低徊際。愧殺窮經說古人。蓋實錄也。性嗜書畫。而尤長於竹。求者踵至。門限幾穿。張九鼎明經。贈以畫竹引。末云。飲我酒。留我宿。贈我一幅瀟湘之畫竹。居處常嫌無此君。得君此卷。差免俗。其推許如此。同治辛未。年八十六卒。子崑。太學生。見孝友。

吳良弼字夢巖。城內人。性和緩。縝密。行止必以繩矩。生平與人無戲言。受知於龔西園學使。以優等食餼。父理商業。闐闐間恆丙夜歸。良弼必執燭以迎。無間寒暑。父偶違和。必躬侍寢膳。嘗藥汁。至夜分不解帶。無倦容。弟優善。受業於良

弼。父鍾愛之。良弼曲意推讓。以順父心。孝友聞於鄉里。光緒元年。舉孝廉方正。良弼不樂仕進。徵之弗就。後卒於家。優善號雲亭。附貢生。候選翰林院待詔。吳希曾。號惺齋。城內人。性聰穎。強記。過目不忘。性孝友。敦厚。生平不言人過。遊庠後。家徒壁立。晝夜攻苦。以自奮勉。得咯血疾。愈後。遂不能耐苦。乃以流覽代誦讀。爲文如隨地湧出。筆挾風雨。屢赴秋闈。不售。遂家居。授徒。子遇隆。年十四。補博士弟子員。道光己酉科。拔貢生。咸豐乙卯。登賢書。歷授長垣教諭。易冀等。州學正。卒於官。

李性天。字生然。黑厓子人。性豪邁。學問淵邃。文思敏捷。年十七。童試冠軍。遂有聲庠序。旋食餼。秋闈。輒報罷。益下帷苦攻。道光丁酉。舉於鄉。昆弟五人。性天其仲也。友于甚篤。書學松雪。能得其筆法。

張善繼。字佩行。八戶莊人。遵化籍。咸豐乙卯科舉人。性端謹。不樂仕宦。好獎掖後進。家居。批閱門人文藝。喜爲改竄。雖盛夏。嚴冬不懈。著有四書淺解。卻喧書。

灤

縣

志

卷十一

人物文學

一八

屋詩稿。藏於家。子朝元。優貢生。候選知縣。

石增。貴陽守煦之子。生長於黔。才華秀逸。丰度端凝。咸豐間。回籍。應童子試。獲售。人初以八股伎倆目之。及其爲詩古文詞。華瞻瑰麗。老生爲之避席。乃知其才固不可及也。姪鏡。爲都勻府殉難均之子。亦回籍應試。與增先後遊泮。博學強記。才遜於增。而文筆之遒勁過之。親族方推爲大器。叔姪皆逾弱冠卒。

白鴻達。字羽豐。又號兩峰。城內人。性和藹。文筆敏捷。工詩善楷書。應童子試。屢拔前茅。不售。攻苦益力。學日進。卒得遊庠。以優等食餼。登戊午賢書。與廩生曾紀樾相友善。樾字鐵如。張各莊人。才氣橫逸。家藏書數千卷。紀樾日寢饋典墳。落筆皆憂憂獨造。遇學人。每折服之。不才智自矜。鴻達與樾未盡其才。皆以天卒。

馮縱。字子厚。廩貢生。性直介。恂謹。重然諾。遇事敢言。家貧而能儉。不因人熱。在城內。授徒數十年。立教必以尊親敬長爲先。而後課以文藝。鄉黨敬之。年六十。

九卒孫國樞邑廩生

王棟字翰屏韓家哨人庠生性方正終日危坐雖盛暑未嘗袒臂課徒四十餘年不以修脯有無爲棄取立規嚴肅游其門者多所成就

王士琛昌之孫世講程朱之學士琛於成童時聞訓卽心竊嚮往之所學規步五子近思錄惟資性拘滯而非通材入庠後嘗悲天憫人思進斯民於三代欲肩道統邑人傅傳習昌黎崔樹寶輩皆宗尙之推爲祭酒族人某與爲難構訟數年卒於省垣子蘭克繼父志師事傳習書有背濂洛關閩之旨者不觀爲文體倣注疏卒見黜於有司同社諸子反賀之以爲必如是乃知吾道自有真非

流俗所賞也未幾蘭亦卒

府志王昌傳士琛於咸豐初因團練鄉勇以訟土棍病卒省垣似士琛承辦團練因與土棍構訟不知實土棍挾團

練以侮士琛致訟不可解也記之以存事寔

傅傳習道口人性敦謹好講心學少所可師者聞王士琛名往見之與語大悅遂師事之咸豐元年正月朔日食傳習赴士琛約相與太息出而哭於廟未幾

濂

縣

志

卷十二

人物文學

一九

士琛卒傳習年逾不惑造益深若有所得純以羽翼宋儒爲己任講學不受修脯生徒大聚李薈如王蘭輩俱北面事之光緒十二年傳習母卒問禮於諸子僉曰是不可以不遵朱乃檢文公家禮示之傳習曰諾於是不用浮屠屏音樂除葷酒有弔者擊銅鈺飯以蔬食菜羹鄉鄰皆怨之曰吾儕小人安知聖道乃匍匐終日不得一飽因解散去喪莫能舉不數日濂河溢秋水大至毀垣壞屋水汨汨自竈下出傳習方臥苦次驚起大號呼救聞者錯愕議往救不果傳習攀棺呼號徹夜不止初則水沒踝繼及膝且至腹矣踔躑泥水中顆粒不至於口自暮達旦水漸退家人救始至傳習面本狹瘦至是望之如削瓜雙目炯炯氣息微續不能言家人謀扶去之搖首示不可強之則坐泥淖中進以湯粥咽數匙輒已時村中水尙汪洋求草蓐不可得藉以門扉傳習或立或坐或睡或哭或飲食或不飲食得疾數日卒

李薈如廩生性剛直與傅傳習相友善好講濂洛之學母卒禁勿哭沐浴訖纏

之以布。具含歛。然後哭。將窆。不用佛事。去音樂。有弔者。不受賻儀。以鷄魚豬首爲奠。則受之。款客通以蔬菜。絕葷酒。遵大清通禮也。其教人一如其所學。而於大清通禮。尤致意焉。薈如之學。得於王士琛。其居常事死如事生。出也有告。反也有面。俱詣主位行之。每朝暮至主位前。自高曾而下。以次問安。妣亦如之。容必肅。色必端。數十年如一日。其鄰里之有父母者。恆以至親無文。不堪爲是瑣瑣。薈如等。每以弗克錫類爲憾。

吳寶善。字芷軒。鐵梅其別字也。性伉爽。無城府。腹笥淵博。好誘掖後進。故問業者。戶外屨嘗滿。爲文如不經意。而多至理名言。尤擅長詩賦。爲諸生時。永屬知名士。樂亭四宋。昌黎二荀。灤州三吳。二荀四宋皆昆仲。三吳則君與君子文鏡。君之弟子族孫蓉。皆君一人教授者也。永平知府。史公佩瑒。有人倫鑑。嘗謂灤州吳寶善。王汝訥。皆翰苑才。非久困棘闈者。後王以拔貢解元捷南宮。而君落拓如恆。同治庚午鄉試。君與弟子蓉。同出黃孝侯侍郎房。蓉是科中經魁。君竟

灤

縣

志

卷十一

人物文學

二〇

落第。家貧以舌耕養親。饋粥不給。出關東遊。貴室延爲上賓。嘗慨寒儒孤陋無觀摩。老死牖下。湮沒多才。爲國家害孔鉅。思拓書院舊址。以廣裁成。先是灤州書院。在城東南隅。附設楊公祠內。屋宇狹陋。無栖止地。膏獎皆仰給官廉。歷任有司。恆漠視之。遂漸湮廢。君毅然以一人任勞怨。募資建海陽書院。山長暨甄拔高才生。皆得住院。薪膏優沃。人才遂倍出。光緒乙亥科。秋闈獲雋者十人。君亦與焉。自有科舉以來。未有如是之盛者。僉謂書院培養人才之效。而熱心創建者。亦獲其報云。君既登賢書。遂捐餉選授固安縣教諭。在任數年。告歸家居。適州牧楊公文鼎蒞任。續修州志。聘君爲總修。年八十餘卒。君能詩善畫。工行草。性尤愛菊。蒔溉芸翦。雖暑汗淋漓不厭。其菊葉密莖矮。而花大於盤。亦奇觀也。詩筆清新俊逸。畫仿南田。書學董宗伯。其敏而多藝。有如此者。

王大本。字敬軒。歲貢生。候選訓導。學問淵博。文章淹雅。性和易而不苟同。好談諧。人樂與之遊。嘗設館某富家。居停性儉嗇。偶以野菜佐食。一日問先生所食

拌掃帚

初生似蓬蒿青嫩可食老而爲帚

佳否先生答曰佳甚繼又曰嗣後不必調以鹽豉卽

用長繩縻先生項率至場外任意飽食豈不淋漓痛快耶居停面頰無以應抱慙而退其滑稽類如此清光緒丙申續修州志州牧楊公聘爲總修年八十餘卒

張燦字東村一字啟明五區張海莊子人邑廩生八旗官學漢教習分發江西知縣能詩善畫擅長山水尤工花鳥常從樂亭史香厓先生遊人得其寸縑尺幅者爭寶之

楊俊彥字印亭四區張董各莊人弱冠登光緒乙亥科賢書天資英敏有留影詩草未梓才不盡展以療疾齋志而沒年二十八卒

彭柱字肯堂縣屬城西趙家塔坨人也幼有神童之譽六齡時戚黨讌飲出語輒驚座人十五補博士弟子員督學使者特加獎異人咸以遠大相期許時柱父處士學海躬耕績學設帳家塾遠近從遊者甚衆課子尤嚴厲不少貸一時

灤

縣

志

卷十一

人物文學

二二

稱高足者如孝廉段洙司馬劉東美先後掇科第以去柱咸與爲文字道義之交更重以婚姻之好弟棟補增廣生姪斗南保眞保倫亦接武入泮一門文學鄉里稱焉遜清同光之間科舉稱極盛士子非諳習八比試帖小楷初無進身之階柱誦讀名家制義行省程墨窮年不少休成誦者以千百篇數手鈔古近體文斐然成帙計困躓場屋者十七次光緒丁酉科始中副車甚矣科舉之困人也而柱頭童齒豁年亦駸駸老矣先是光緒辛卯年柱例補歲貢曾以海運漕糧出力經保以訓導擇優拔署非其好也時柱行年五十咏懷有句云五十年陰驚髮換三千卷軸訂心盟冰銜罔遂蓬萊願冷署今添訓導名詩紀實亦寫眞也柱生平端謹持躬言笑不苟雖屢躓棘闈意氣不少挫中年以後繼處士設帳講授附學者宿舍恆滿柱起居進止有常度每黎明卽起輒聞履聲橐橐口吟誦不輟啟放門戶雖劇寒盛暑烈風雨不改此度諸生習聞其聲卽遽然相率興起未幾而書聲相和作矣柱一生最低首胡文忠公謂爲近代偉人

嘗節錄其撫鄂書牘治兵治吏要言什襲藏之頃年政府頒布曾胡治兵格言以勵戎行大致皆柱所手錄者抑以見柱雖羈處鄉里未嘗忘情家國事也卒年七十二無子有女一適邑人拔貢劉祖培

王曾禮字立堂縣屬榛子鎮人也先世有隱德爲邑望族科第鼎盛子孫繁衍而家風敦厚自具準繩迄今閱數世流風未沫每值鄉黨公私讌集笑言舉措望而知爲王氏子弟初無蹈紈袴少年陋習者論者咸謂其先德垂裕遠也而曾禮尤稱王氏後起之秀曾禮幼聰慧六歲通毛詩稍長益識六家要旨出應童子試輒冠其曹清光緒歲己卯擢茂才辛己食廩餼乙酉以拔貢朝考內用觀政農曹簿書在手恂恂焉斌斌焉修學好古泊如也已丑舉孝廉三試禮闈兩薦不第所爲時文雅近張曉樓詩古文辭則仿宋人書法清勁得率更意文譽翕然人咸謂翔步木天直且暮事時某王邸領袖政府優禮聘入邸第課其子卯入酉歸邸中盛飾車馬相迎送蓋慕其學且重其爲人京秩本清苦而不

灤

縣

志

卷十一

人物文學

二二一

吝施與寒儒素士落拓都門者恆竭力助至於義塾義田賑災濟貧之事共輸貲累千金尤服膺儒先粹語力求實踐故嘗手錄勸善各篇以自勉勉人此其篤行之見諸事物者而孝友之風實敦於門內其在官則留心時務多讀經世書夙夕精進士林咸以大器相期許乃稟命不融遽遭疫癘歿京寓識者同聲惜之時光緒二十年五月十九日也朱六詒太守時肄業成均南學曾禮乙酉同年生也二人意氣相傾稱莫逆曾禮歿後朱爲撰書墓誌以抒哀悼誌有云天若阨之胡先豐其遇天果培之胡不永其祿茫茫大虛問之無臭亦可見生前傾倒綢繆之致矣某王邸雖權勢烜赫而家法特重師門迄清宣統季年去曾禮歿廿餘載矣曾禮子旭初嘗因事晉謁某邸時某邸監督崇文門稅務卽親承曾禮講授者延見道世誼握手如平生歡詢知師母尚健在特饋二百金爲師母壽云

民國

李聯璧字玉山馬城李家莊人器宇英偉性情軒朗弱冠補學官弟子以優等食廩餼清同光後海禁大開中外交涉日臻繁重北京總理各國事務衙門乃有同文館之設置招選材雋之士授以各國語言文字以備使絕域通譯文之用聯璧念國事艱危知守舊不足以圖存必識時方足以自立乃入館肆習英文算術在館並攻中西文詣乃大進時科舉未停秋闈屢薦不售以資叙爲部司務值安徽創設自強學堂應調爲教員以府同知薦用旋丁母憂回籍服闋後投効山東自巡撫以下待以優禮凡洋務學務專責委任聯璧以一身兼理繁鉅從容鎮定措置咸宜初省立大學建築壯麗靡欸至七十萬金歲費亦耗數萬惟領導無人以至教授程序多不如法及聯璧任爲監督手訂課目分延名師一革從前敷衍虛僑之陋習而成績遂斐然可觀聯璧先已晉秩知府大吏特薦以道員升用適辛亥國變假歸本省得署河間府知府裁府改縣又任爲縣知事前後兩年遂挂冠旋里優游林下年五十卒懷抱長材賚志未展士

灤縣

志

卷十一

人物文學

一三三

林惜之

高鴻霄字止園城南三里莊人歲貢生爲邑名宿制藝有聲於時闈秋屢薦不售居家設帳授徒四方之士多來請業及門掇高科以去者恆不乏人性冲夷和藹善岐黃術以黃坤載爲宗主年七十餘卒

段洙字會川城西宋莊人少年刻苦讀書寒暑忘倦性孝悌有兩兄議分爨因以田產悉讓兩兄而自以筆耕餬口弱冠入縣學食廩餼清光緒癸巳舉於鄉旋以國史館勞績保議叙知縣曾掌樂亭縣尊道書院嗣以書院改學堂從教者愈衆旋應山西大學堂之聘宣統己酉北京開辦國立分科大學乃做屣補用知縣入經科肄業時年已五十矣其勤勉求學淡於利祿如此民國成立改文科兼法律畢業由是灰心仕進每慨中國國學寢衰斯文不振乃於舊京創設國文專修館并經史研究社專授國文經史於是四方學者爭詣其門各部院在職人員亦多就夜班聽講焉家素儉樸有餘資未置產先贍其業師吳明

經。光緒時村民數百家。苦旗莊增租。訴於縣。而不得要領。乃爲叩閭言其情。上不之罪。而事以免。辛亥事起。灤縣旋有匪患。因辦民團。城鄉資以保衛。鄉黨姻戚朋友。有緩急輒以身先之。時以財濟窮乏。是真所謂孝友睦婣任恤者矣。所著有七經大義。左氏春秋事緯。左傳今地名考證。周禮簡明讀本等書。其所註七經大義。在昔時已排印行世。惜原板竟燬於火。民國十二年。卒於里第。春秋六十有七。門人私謚曰文介。子三人。大。中。守。中。皆厚重能習父業。

田建章。字立廷。八區稻地鎮人。先世業儒。兼營商賈。兄獻章。中將銜陸軍少將。錦章成威將軍。陸軍中將。皆以武功顯。君獨覘國勢之艱危。慨內政之腐化。非求學異國。不足以自新而圖存。乃留學日本。入東京高等師範。英語科肄業。刻苦攻讀。寒暑罔倦。嘗與友好輩。以顯親揚名。強國保種。相期許。民國三年。學成歸國。當道諸公。爭相羅致。初任省視學。繼充趙縣省立中學校校長。整頓校風。提倡新學。不遺餘力。方期不負所學。有以展布。乃天不假年。在省中學任內。竟

灤

縣

志

卷十一

人物文學

一四

以積勞病故。年僅三十有五。直隸督軍省長。憫其素志。嘉其成績。特頒有功效育匾額一方。以爲熱心教育者勸焉。

蔣香農。名蘭畬。原名玉符。字子信。邑之蔣家泡人。十八歲入邑庠。落拓不羈。因錄科失期被斥。遂更名蘭畬。號香農。幼年工刀筆。舞文。有俠氣。後乃設帳津門。某網總家。努力改前業。專攻詩古文辭。津人一時有蔣才子之目。而清貧殊甚。其人與文。皆落落脫俗。爲文自闢蹊徑。不肯拾人牙慧。年八十餘。卒於家。所著有燕南文集。未梓。壽雲堂詩草。時人傳誦焉。

魏墨林。字西園。三區魏家莊人。少年刻苦好學。恆讀至午夜不倦。以高等食廩。餽。時鹽山崔竺西先生澄寰。掌教敬勝書院。一時名宿。皆出其門下。每月試。輒拔爲第一。乃困於場屋。屢薦不售。至清光緒壬寅。補行庚子辛丑並科鄉試。借闈河南。始獲雋。民初應縣知事考試。列優等。分發奉天省。署鳳城縣知事。在任率由舊章。卒以不明新政。爲長官所不喜。罷職後。任本縣實業局局長。爲人取

與不苟。特立獨行。有古狷介之風焉。年七十三卒於家。

王佩真。字祥徵。城南任各莊人。幼聰穎能文。清光緒癸巳恩科。以十四名舉於鄉。才名藉甚。屢上春官不第。肄業國子監。蜚聲南學間。後修業北京大學。與人交。開朗如光風霽月。居家孺慕。有古孝子風。明醫理。通算術。著有讀春秋筆記二卷。無恆齋集。算學簡括話。未梓。詩文多散失。常橐筆奉天。從事國文教授。回里主講縣立師範學校。數月以疾終。年五十五歲。

裴廷楹。字任卿。縣屬第七區。紀各莊人。幼年讀書。刻苦自勵。遜清光緒十六年。補博士弟子員。家本貧窶。恆以教讀爲業。假館穀餬口。清末詔廢科舉。立學校。當是時風氣未開。士林惶惑。廷楹獨能應時務之所需。提倡新學。先在本村創設教師傳習所。以期革新教育。宣統初年。廷楹游學天津。專攻小學單級教授之學。時國家厲行新政。民權萌芽。重選舉。廷楹同時被選爲順直諮議局議員。值近畿荒饑。建議禁止釀酒糜穀。以維民食。得多數議員。同聲贊許。牒大府實

灤

縣

志

卷十二

人物文學

一五

行。災民得全活者無算。辛亥冬。灤州

時未改縣

王金銘施從雲。革命軍起。廷楹往來

軍中。陳說大義。冀脫桑梓之厄。遂爲敵軍諜者所指目。未幾王施殉義。廷楹亦被執。瀕死。賴地方紳耆保釋。復慶更生。所謂虎口餘生也。廷楹出險。意氣不少衰。由津旋里。卽任縣立單級師範講習所所長。爲諸生昕夕講解。矻矻不休。小學教師。經廷楹指導。咸知以新法教授。縣內教育。因之一振。民國元年。廷楹改任開平高等小學校長。苦心經營。人才輩出。在職十餘年。聲譽聞於遠近。民國十二年辭校長職。遠遊吉林。吉林爲邊徼行省。學風樸儻。廷楹殷殷訓迪。誓爲荒徼疏淪新知。旋因戰亂無已。言歸故里。家居又創建補習學社。繼設男女民衆學校。事務紛冗。經費艱窘。廷楹終日奔走。劬勞任事。代輸欸項。捐助圖書。窘而不吝。至民國十九年秋。廷楹方瘖口。噤音。籌議校務。驟得腦充血症。遽爾不起。志未酬而身已逝矣。廷楹生平勤儉好學。對於國語文法。及國音字母等。頗有研究。與人至厚。扶貧濟難。惟恐後人。雖居鄉之日多。然受廷楹之惠者。實不

僅限於鄉黨也。有子三。長作中。次全中。弱冠殂謝。三子文中。畢業於國立北京大學。研究地質學。廷楹歿後。海內知交及鄉鄰戚友。或念施予之德。或感教誨之功。集資建立紀念碑於墓次。以永清芬。噫。廷楹爲不死矣。

李瑞棻。字漱瀛。茂春長孫也。清光緒中葉。補博士弟子員。攻舉子業。規樞名大家文稿。出語不落恆蹊。美風儀。工書法。尤擅長吟詠。民國十年後。頻年喪亂。文風日趨卑靡。伏獵侍郎。曳白學士。幾數見不鮮。時天津嚴侍郎範蓀。暨趙幼梅。林墨卿。李子通。諸老輩。提倡風教。宏獎後生。組織存社。徵集詩文。評定甲乙。冀延墜緒。瑞棻應徵。詩古文輒冠其曹。每一詩文出。諸老恆贊不去口。瑞棻生長清腴。初不染紈袴習氣。接人和藹可親。家舊藏書萬卷。日手一編。窮年矻矻。寢食不輟。體素羸弱。又頻經桑海。憂能傷人。素負才華。賫志以歿。時民國十三年夏五月朔也。遺著有灤水源流考。爨餘吟草若干卷。

靳玉如。字瑞廷。五區胡各莊人。五歲喪母。賴繼母撫養成。立幼聰穎好學。院試

以第一名入邑庠。性慷慨爽直。胸無城府。孝於父母。友於兄弟。信於朋友。於公益事尤熱心。初胡各莊鎮有觀音廟一座。廟中香火租及案租。每年收入頗豐。清光緒二十三年。玉如乃商請以廟產辦義學。於是本鎮貧苦子弟。皆得免費讀書。其書籍筆墨紙張。無力購買者。均由玉如箇人施給。光緒三十年。頒發新章。各處設立學堂。玉如又商請將本鎮藥王廟。及文昌宮香火地租。一並歸入義學。改設蒙養學堂。胡各莊之有小學教育。實基於此。時玉如畢業保定師範學堂。任各縣高小教習數年。教育人才。多英俊士。載譽歸里。遂服桑梓義務。五區馬姑堂古廟也。曾在廟內設立高等小學一處。其地孤懸曠野。四無鄰居。距各村均數里。民初濱海一帶。盜賊俗名海洋蠭起。綁架勒贖。時有覬覦學校之信。玉如見校址地處危險。極力主張遷入本鎮。議定。甫將學生遣散。而匪徒數十人。遂闖入校中。幸皆先期回里。未遭殘害。遂決意在本鎮建設新校。以初小基金。呈請立案。復購置鋪房數十間。改建補苴。經營數月。始克成立。適舊校長辭

職遂委任玉如接充。當是時國內連年戰爭，兵匪到處滋擾，設無遷校之議，而該小學恐一蹶而不復振矣。今則校內莘莘學子，絃誦不輟，五區教育日見發展，皆玉如一人倡辦之力居多。生平重然諾，篤行誼，興利除弊，肝膽照人。鄉里咸推重之。民國二十四年冬卒，年七十。子廣澍，海軍學校畢業，參謀部科員。朱之澧，字蘭坡，十區榛子鎮人，博聞強記，工詩古文辭。清光緒二年丙子，舉於鄉，以臈祿議叙，候選知縣。主講於豐潤胥各莊王氏義塾，一時英俊多出其門。嗣投効奉天，爲裕壽山將軍幕賓，以丁艱歸。適遭庚子之亂，榛子鎮附近各鄉本無拳匪，時俄軍方駐唐山，天主教徒強各村捐款，致民教相仇，釀成鉅案。州牧李公振鵬手諭之澧等，設法調解，捐募鉅款，賠償教民，而肇事者多北八莊人，素倔強，難屈伏，不得已，轉向附近鄉村富室，曉以外兵至，恐共遭池魚殃，募經數月，方足額，始得無事，斯役也。鎮巡司姜公省謨，冒危難，往返唐山，與俄軍交涉，尤出力，事平之澧爲撰德政碑，以紀其事。其急公好義，有如此者。光緒三

灤

縣

志

卷十一

人物文學

二七

十年，由部選趙州學正，在職數年，於教育方面多所振興。民國二年，掛冠回籍，優游林下，三十餘年。二十四年冬，無疾而終，年八十九。生平爲文多腹稿，詩學昌黎，所著詩文草，因屢經兵燹，多散佚。樂亭王勳閣，年八十三，重赴鹿鳴，賀以詩云：南極老人星耀芒，下應耆德壽且臧，亦云靈秀鍾海疆，家聲煌燭世芸香。舉鄉英發弱冠強，中年高弟萃琳瑯，甲科孝秀出門牆，講易虎皮官上庠，文章鹿洞權低昂，未幾驥老倦騰驤，學宗尼父溯羲皇，兼通釋氏老與莊，縹緲萬卷腹笥藏，其今伏生與毛萇，逢人厄困卽解囊，姻戚落拓彌惋傷，水災施粥指困倉，一時胥免道殣望，巾帕邪氛自廟堂，萑苻乘便倏披猖，急興保甲衛村氓，妖星俄亦隕天狼，灤水圮決輒汪洋，募資築堰瀾挽狂，下游墊溺茲預防，梓桑獲免其魚殃，碩學隱德雖未彰，康隆耆壽天所償，靈椿拔擢明經場，監州澤遍齊魯邦，經魁世學首元方，湘浦載歸棹鶴裝，鹿鳴周甲君齊芳，象賢有子孫枝良，一門福備何濟踰，庚午同榜伯仲行，康樂受知南豐房，春闈一接刑曹郎，驄馬

鐵漢無私腸。風操清儉如圭璋。知幾解組抗首陽。手足千里累桁揚。足繭歲省
瀋水旁。尤關至性薦倫常。同門疇昔知能詳。午年予亦遂槐忙。點額後君六載
翔。結識賓興憶帝鄉。五十年來兩茫茫。馬齒長一嗟老傖。衰遲倚玉蒹葭蒼。世
變兩眼昏滄桑。沈湎幸未數甲忘。遙傳俚句祝堯觴。子奉閑己酉優貢。北京大
學畢業。著儒道貫二十萬言。孫承薰。中國大學畢業。

(十)篤行

編者按禮義廉恥國之四維古今賴以奠安社會因以不紊皆此名教有以維持之也灤縣民風質樸尚道德重然諾晚近雖漸染澆薄而鄉里之間砥名礪節特立獨行者尚不乏人昔伯夷居北海之濱而頑懦之風變先哲之流澤遠矣

金

葛宏金末歲饑竭力贍恤全活數百人元辟爲石城縣尹

明

吳思文輸粟三百七十餘石救荒成化五年詔賜七品散官

李福成化間凡里人貧不能葬者爲舉而葬之

徐禮成化間歲施冬衣積久不倦

白純修廩生嘗施粥捨棺以周貧病時諸生逋賦者衆追比甚急修悉捐貲代

灤

縣

志

卷十一

人物篤行

二九

完得急公恤友之義

謝福天順間旌曰尚義

高玉富於貲嘉靖二十五年施義田並糧三千石以周貧乏賜壽官萬歷四十五年由壽官晉贈中大夫湖廣參政以孫高第三品考滿贈資政大夫

劉會嘉靖十六年輸粟一千石賑饑巡按御史楊紹芳獎之榜曰尚義之門時州人吳鎮亦捐穀賑饑賜六品壽官

張宗仕幼失怙事母盡孝及長喜讀孫吳書任俠好施崇正時從兵備張春軍屢戰有功授明威將軍清順治壬辰癸巳間歲頻饑兩次捐粟一千八百石有奇全活無算郡守旌其門曰惠溥一方舉鄉飲耆賓又捐渡船二置青坨河口以濟行旅子起鯉任河防州同孫瑛食餼州庠

石璞性醇厚寬平人有急難多方周恤無德色每以棲畝之餘割共鄰族牛羊犯田者飽飼歸之喜儒術訓後昆以文行並力有先民矩矱以子維嶽孫申貴

贈中憲大夫。晉通議大夫。少冢宰。

高吉昌。字介幾。貢生。廷試第一。補縣令。病卒。吉昌少穎異。讀書日數行下。喜駿馬。善彈棋射獵之藝。重然諾。通緩急。嘗遇歲荒。盡出累世之積。以賑鄉黨。後以子第貴。贈資政大夫。兵部尚書。祀鄉賢。

朱鼎盛。字崎尊。庠生。以子職膺六品封。當明季。所居榛子鎮。係薊遼衝要。屢遭兵燹。土寇覬覦。恣行剽掠。村落為墟。士大夫家。荼毒尤甚。鼎念桑梓當存亡之際。朝廷不暇設兵分守。遂率子弟練族兵。斬木揭竿。家守人戰。賊不敢犯。當事者旌之。曰保障宏勳。本府志

王爾琦。字荆岫。生於崇正中。有膂力。膽略過人。時土寇竊發。村人駭而竄伏。琦挺然出。獨與賊拒。飛礮連擲。數十步輒中。賊見石甚巨。驚曰。是何神力。相戒勿復至。後率村衆。避寇海濱。誤僦賊船。賊擊琦。琦揮刀仆之。飛躍他船。盡殲其黨。衆賴以全。郡志

灤縣志 卷十一 人物 篤行

清

朱淇。字楸林。庠生。時際鼎革。大兵之後。屢有荒年。旋因征勦三藩。徵調差費。閭閻割肉醫創。殊形彫敝。淇目擊心傷。遇婚喪不舉者。無不周恤。復為食以待飢者。日出米百石。仍不給。至典質田畝。以終其事。家遂中落。著有榛襄野諺集。郡志王監。字于隰。性嚴重。不苟嘖笑。生平重然諾。樂獎後進。而尤敦族誼。遇孝義節烈。加意曲成。與人交。不以死生變易。年八十卒。進士王淑問。為著考終錄。事甚悉。

韓應舉。字俊寰。漢軍正白旗人。居城南長凝鎮。家本素封。至應舉好行其德。樂善不倦。康熙間灤河溢。秋無禾。民飢。應舉出貲賑之。一邑得室家相保。平日凡戚友告貸。久而不能償者。悉焚其券。所役僕婢。皆聽其父母贖回。自為擇配。復施田數畝。為義園。凡澇後漂出無主積屍。或濱河之墳冢塌陷。無力培修者。聽任遷葬。義聲遐邇。邑紳倫可宗。衛采等。為之上其事於州牧。勒碑旌善。孝廉

衛錦並作善德贊。鐫石頌之。曾孫克潤。乾隆辛卯科武舉。七世孫樹基。嘉慶癸酉科武舉。記名守備。八世孫溥。同治庚午科舉孝廉。衛琨。增廣生。康熙年間。灤有丁贅子之累。琨力請當事。將人丁散歸地畝。至今賴之。

吳標。字殿元。城內人。候補縣丞。生平有膽識。好施與。北關土豪范某。欲以誣欠。強奪王氏女。標解囊救之。范恨甚。伏甲飲標酒。標知之。赴焉。獻屍肩。以利匕首穿之。為敬。將待以不測。標談笑自若。持其腕。食之盡。范已腕欲脫矣。遂不敢動。盡歡而散。又嘗夜夢一黑衣人求救。及旦。見烏牛將殺。遂買而蓄之。人服其義。鄭璽。字符曾。中選仲子。年十四。補博士弟子員。謁廟時。見學宮頹圯。欲修復之。卽慨捐重貲。以為之倡。人咸異焉。為集腋成其志。長則輕財重義。推解無倦。復捐田數十畝。以奉文昌宮香火。康熙癸卯。邢各莊質庫被劫。官繩捕嚴其伍。乃羅織鄉愚。強璽認贓結案。厲色拒之。曰。以無辜性命。消散財之忿。吾不忍為也。

灤縣志 卷十一 人物 篤行

白當事。盡釋之。本鄭氏家譜

李毓元。字儲英。慷慨尚義。設義塾以訓族子。解私囊以周親知。急公排難。赴之若恐不及。康熙四十二年。出粟千石賑饑。復捐助義倉穀五百石。大學士安溪李公。撫直時。旌其門。子楨彬。孫宏勳。揚勳。樹勳。成勳。曾孫紹祖。繼祖。光祖。瓚衡。元孫居仁。俱任卹好義。贍貧賑歉。凡推廣義塾。興修橋廟。各善舉。不吝重資。能世濟其美。按李氏宗支蕃衍。散徙邑之樊各莊。卑家店。宜安。盧龍之九百戶。昌黎之石門。薊州之盤山。亦有占旗籍者。子孫貴顯。甲第連綿不絕。迄今無仕未艾云。

孫賢。中武舉。其弟盛。庠生。兄弟皆好義喜施。庚子出粟賑荒。捐設義館。代人納賦。知州吳公肇煌贈額。

彭蔭寵。塔頭人。康熙間。勸導合境封納銀糧。無力者。卽代為完納。議叙六品銜。宣斌。字符五。乾隆壬申武進士。於馬城北。路旁鑿井。以濟人飲。同時有張勇。施路旁民田二畝。作為官道。

徐炫。字耀先。徐儀。字協一。兄弟也。閭左皆稱善人。乾隆壬午壬辰歲荒。周恤鄉

里助修橋梁。布施香火。二人並登上壽。

朱永清。字星源。所居村南有沙河。每值秋冬。必建草橋。以濟行旅。嘉慶六年饑。自夏及秋。煮粥食。道荒者數百人。平時施米及藥。以濟貧病。又延精於星卜者。教四鄉盲童。爲異日糊口計。

解廷楷。乾隆癸未春饑。給口糧於貧困者。鄉里賴之。

劉錫金。樂善好施。乾隆間。年八十一。恩賞頂戴。

常俊。邑庠生。嘗出貲鳩工。修石橋二。於清河復開濬引河一道。以洩水。行人德之。

彭經。塔頭人。性寬仁有度。歲歉。佃戶不能償者。免其租。乾隆四十九年大饑。散穀三百石。明年復煮粥三月。以食飢者。又彭廷佐。亦塔頭人。嘉慶十六年。煮粥賑飢。凡五月。道光三年。出穀百石。以恤親族。

曾成。字君實。宗聖裔也。少貧。以營運起家。頗知慕義。所居街西大路。地勢卑下。

灤縣志卷十一 人物篇行

暑雨時。人多行泥淖中。成乃買地。另闢康莊。以便往來。人稱頌之。

朱棠。字南華。少孤。克自成立。慷慨好義。嘗焚通券萬餘緡。凡佃租不能完者。輒寬貸之。

張朝新。嘉慶十一年五月雨雹。捨粥三日。以濟鄉里。

鄭家勇。城內人。貌魁梧。而性耿介。材武有力。中嘉慶戊辰科武舉。以家貧不能進取。遂甘雌伏。環堵蕭然。只於瓶中見粟。其妻於紡績外。恆爲肆賈補紙。肆中每多斷裂罅隙。恒雇婦女完補之。乃可染色。藉謀兩餐。家勇亦時出授徒。以館穀爲恆產。生平與人無

忤。與世無爭。亦未嘗向人求乞。人見之。亦不知其爲貧者也。年七十餘卒。

吳桐。旗人。其父灤卓。捐地築隄。以防水患。桐復捐小葛各莊地百五十畝。聽民

居葬。嘉慶十二年夏。助賑救饑。

呂林鐘。字應律。嘉慶十二年。捐資助賑。

王忻。字景齋。盧龍籍。監生。性孝友。樂善好施。助人喪娶。乾隆四十七年。嘉慶十

二年歲荒。屢出錢米濟饑。活人無算。

王純。字厚庵。少貧。因商致富。嘉慶十七年歲荒。捐穀數百石助賑。郡守賜額獎之。

王振鳳。監生。嘉慶十八年。輸穀八十石。入倂城義倉。獎叙從九品。

王法。字憲章。道光七年。捐閒宅三楹。設立胡各莊鎮義倉。復捐穀一萬四千石。議叙從九品。

吳順。字豫和。監生。城內人。家富好施。開義塾。立文會。寒士必資以膏火。助其成就。咸豐三年。髮逆擾天津。州境震動。順本大族。多貧不能葬者。乃家給錢三百緡。趨使葬。曰。勿令死者同遭兵燹也。又族人。有父子隨宦黔省。去家九千里。貧不能歸。舊廬鞠爲茂草。乃爲修葺之。作書郵寄。迎歸致餼廩焉。里人賢之。子二。長錫綬。守禦所千總。次錫紳。行唐縣訓導。以孫蓉貴。贈中憲大夫。

李茂椿。字蔭圃。工部候補員外郎。性和厚。少孤。家饒於資。時富豪子弟。多以裘

灤

縣

志

卷十一

人物 篤行

三三

馬謙從。珍玩聲色。相慕效。茂椿耻與爲伍。日守一編。謂以古書澆胸。能益人神智。一時與遊者。皆知名士。復好義喜施。鄰里親族。賴以舉火者。恆數十家。茂椿徧給之。無德色。年逾不惑。以疾卒。聞者。知與不知。皆爲墮淚。著有沁香吟館詩鈔十餘卷。子夢松。候選知府。亦尙義好禮。樂善無倦。人稱不墜父風。

吳錫綬。字泰初。順之子。咸豐初。以捐輸。議叙守禦所千總。天資聰穎。幼以咯血廢學。然遇績學之士。恂恂請益。終身敬禮不衰。性慷慨好義。城內外壇廟橋梁。學署書院。各鉅工。無不首先倡捐。親睦宗族。賴以舉火者數十家。年未五十卒。子二。長萱。庠生。議叙州吏目。次蓉。庚午科經魁。由中書外任嚴州府同知。調補玉環廳同知。知府。升用。

劉作楷。好施濟。隆冬時。每捨饘粥衣袴。貧人賴以無凍餒者甚多。咸豐四年大疫。捨藥兩萬餘劑。活人無算。

李士魁。監生。黃坨人。持身恭儉。治家嚴肅。課子弟。必延名師以教之。承先世訓。

也。行年九十。每聚諸孫於一室。講論不輟。嘗爲同社納銀糧四百餘兩。而焚其券。不取償也。

曾傳英。字青選。宗聖裔也。偉軀幹。聲若洪鐘。性孝友。慕義施濟無倦。凡戚友之落魄者。皆提撕振拔。以成其材。使有所託業焉。遇荒歉。必竭貲助賑。以爲倡。境內多寺宇。僧道以布施請者。或有應有不應。每日有益於人者。吾爲之。若布金以求福。吾不取也。其所見如此。年八十餘卒。子紀官。武庠生。亦樂善喜施。光緒九年。境內大水。以辦賑出力。蒙直督奏請獎叙。恩賜守禦所千總銜。孫廣澤。以軍功歸直隸督標候補守備。

劉才。巍峰山莊人。性質樸慤。爽幼失怙。事母以孝聞。家小康而好施濟。每代人償逋。凡里中婚喪不能舉者。悉力贍之。族叔通發家貧無子。月俸薪米。沒後具棺葬之。族弟劉太病沒。妻孀子幼。無以存活。才厚卹太妻。勸令撫孤守節。後其子倚之成立。光緒初年春饑。請出義倉穀放賑。三年督修石佛口義倉。勸捐義

灤

縣

志

卷十一

人物篤行

三四

穀八百餘石以實之。卒年七十有五。子東美。乙亥舉人。丙子聯捷進士。官國子監博士。孫祖培。以州試冠軍遊庠。

李步沆。字芥舟。歲貢生。居心仁厚。與人無爭。尤好節儉。雖禮服無紬帛。

杜進儒。杜家坨人。父子俱富而好禮。樂善不倦。村西有石橋。乃乾隆初年所建。歲久傾圮。進儒捐資。獨力任修。工未畢而卒。子步文承父志。展其規模。固其基址。卒成之。前後約費千餘金。一時鄉鄰爭爲立碑。以紀其善。

曾維柱。後易名傳柱。張各莊人。少孤。家極貧。遇集市日。爲人牧馬。旣壯。有心計。偶入屠肆。見新剝牛皮。手攜之。而言其斤兩。證以權。錙銖不爽。族人曾向榮。奇其才。畀以資。使學營運。隻身出關。商無常業。刻無停晷。惟利是從。三年不言會計。亦無簿錄。族人疑焉。有搆之者。謂族人曰。是將乾沒。必假託折閱。以累子也。族人懼。召之來。索其簿錄。柱固不能書。倩人濡墨伸紙。已蹀躞室中。隨誦隨書。不二時許。盡三十餘紙。有期日。有物價。有耗羨。有子母。布以算。悉合。族人愧服。

倍與之金。得入城列肆。不十年。積資數十萬。始彼此瓜分。柱雖賈人。能識大義。敬禮桑梓。賢則事之。能則友之。聞善言。必服膺勿忘。同治間。州人士議修海陽書院。維柱與焉。勸捐尤爲出力。當捐貲未集。維柱先代出巨款千餘金。俾爲經始。嘗憫兵差病民。每謁官長。絕口不言。及游牧智開洩灤。乃愆惠紳民請命。默爲贊助。得蒙核減。至朱牧靖旬。章程始定。樹碑以垂永遠。維柱復讓名於官。而自不居功。以較衛焜之請免丁。贅子爲先後媲美。

孫克孝。開平人。廩膳生。十七歲。怙恃俱失。家清貧。祖母孀老且病。克孝扶持奉養。恆累月不解衣帶。閉戶讀書。有畫粥然糠之苦。性和而介。處宗族鄉黨。一接以禮。上而父執。下至童幼。望其塵者。無不敬畏之。卒年四十。

吳一麟。字瑞庭。城內人。父官閩中。老而無子。置側室。遂生一麟。歸籍後。父母相繼逝。囊橐一空。鞠於庶母。一麟性聰穎。舉止嫻雅。弱不好弄。有姊適宜。安李姓。大族也。呼一麟至其家。使共兒輩讀。乃得通書史。爲文詞筆有新意。及長。試童

灤

縣

志

卷十一

人物篤行

三五

子試不售。時同族亦重一麟。多資助之。乃援例入太學。道光間。有總角交李恩霖者。以進士令山東。邀一麟往遊。一麟橐筆從之。方擬爲一麟求簿尉職。適以強項忤上官。藉端劾之。李拂衣攜一麟同歸。一麟髮已艾矣。族人之同輩者。如晨星。下此若姪若孫。若曾孫輩。尙百數十人。日往謁之。咸樂聆其言論。善談名理。有晉人揮塵之致。隨其人之高下。而教誡之。引喻廣博。雖語多規諷。使人之意也消。州人石曉田。於一麟爲中表。守貴陽時。得一麟侘傺狀。作書招之。一麟乃有黔之行。子恩培繼往。以軍功議叙巡檢。咸豐中。髮逆擾天津。畿東戒嚴。州人舉辦團練。無通曉事宜。可供咨詢者。州紳吳順。郵書趨一麟歸。以一麟貧。慮其卒不得歸也。擬終身養焉。未幾一麟至。舉族相慶。團防亦解。不一二年。吳順卒。一麟仍以貧困終其身。

陳果。字剛德。性至孝。父母沒。廬墓三年。家不中貲。而好施濟。親族貧無葬費者。輒解囊贈之。同治壬申。年八十五。猶精神矍鑠。州牧游公爲榜其門。曰。仁厚可

風。

王永徵字靜源。邑諸生。幼失怙恃。有兄四。析居後。諸兄有疾。恆親視湯藥。四兄與嫂繼歿。遺子甫十歲。親撫之。代理其家務。俟成立。乃付之產。倍於前。嘉慶十六年大饑。施糧八百石以濟村人。逋者悉焚其券。十八年又輸穀八十石。入儕城義倉。州牧詳請。以從九品議叙。郡志

靳璞字懷珍。少爲州吏。孝友樸實。高誼過人。家不中資。而給欲應求。無德色。有戚某經理錢糧事。虧公項千餘金。將獲罪。璞如數轉貸。代之補納。又有素不相識者。以負債成訟。官押追給主。其親友贖金以贖。缺五十金。無所出。中有識璞者。以情告。璞慨與之。事遂解。其好義輕財多類此。性謙和。下人雖傭保輿隸。無勿禮也。家距城七十里。一年數往返。凡遇農夫野老。必下騎與語。馬習於璞。一日李邦俊孝廉借乘之。途中遇人卽駐。叱之不前。鞭之則駛。不得已。下而牽之。徒步歸。每語人曰。吾不敢再借靳懷珍馬矣。傳者以爲笑。年六十一卒。郡志

灤縣

志

卷十一

人物篇行

二六

陸廷陞字殿揚。性沈默。喜讀書。因家中落。棄儒賈於瀋陽。數年成巨商。然好施與。年荒則以錢米給鄉人。煮粥以待餓者。其他種種義舉。爲遠近所稱道焉。卒年六十一。郡志

朱寶樹字琪亭。榛子鎮人。廩貢生。候選訓導。道光時。邑大蝗。官司督役民捕治。每以驅向鄰田。時起爭鬪。寶樹見之。則呼曰。皆驅之吾田中。吾田多於爾也。鎮東里許有承流橋。灤東往來孔道也。久傾圮。入夏水潦。行人苦之。州牧莫公提倡重修。絀於欸。工幾輟。寶樹與王公弼臣極力募化。得竣事焉。歲薦饑。寶樹籌設粥廠於東門天齊廟內。侍郎松公筠適自奉天回。嘉公義。助米百石。爲書爲善最樂匾額以贈。樂亭李侍御廣滋言事忤旨。遣戍。寶樹厚贖之。其急公好義。至今鄉里猶稱道不衰云。

朱垣字易樵。寶樹子。府庠生。性任俠。喜施予。遊庠後。遂棄舉子業。先世故饒於財。家有奴僕四姓。均計口授衣食。並婚喪皆出於主人。垣悉遣之。各給田二十

畝。令自謀生計。平生急公好義。有父風。杏兒山莊佃戶無井。汲水上。尤各莊相距里餘。垣出貲令開鑿。乃相水泉未精。至鍊山石。非透過石層無水。時屆農忙。衆皆失望。垣命有能鑿出一斗石者。以一斗米易之。卒及於泉。至今賴之。僱工有盜米者。垣恐見己急縮步歸。語孺人何氏。孺人問何言乎。曰言之。恐其負重驚懼折腰。羞愧無地也。遂終不問。其賦性慈惠。待人忠厚如此。洪楊之亂。髮逆犯津沽。州牧奉檄勸辦鄉團。垣與本鎮士紳王申之。朱恩亭等。各募百名訓練。凡軍械口糧。皆出私帑。不煩地方。州牧上其事。得獎議叙八品。子鉞。附貢生。孫之澧。見文學。

賀鑑。字鏡涵。城南賀家莊人。邑庠生。幼失怙。兄亦早亡。事母以孝稱。生平好讀孝經。並殷殷向人講論。族人賀朝舉者。目不識丁。時被薰陶。能說孝經之大畧。母病。鑑湯藥親嘗。衣不解帶者累月。母歿。廬墓三年。曾因迅雷震驚。攜長子希誠。冒雨抱墓。呼母莫驚。母之木主成。每飯必祭。祭必羅致母所嗜食之物於側。

並置祭田。勒石傳於後世。其誠孝類如此。尤好調恤。里黨有貧而艱於喪葬婚嫁者。出貲助之。遇歉歲放米施粥。賴以全活者頗衆。中年時曾釋放家奴。還其券不索值。二十年後。其人家已小康。具盛儀來酬。揮之令去。不受謝。並不問其居址。又有賀逢時者。具酒相邀。言少時曾借錢百緡。以娶婦。今已子女成行。無以酬德。願先還子母。鑑以向未書帳。無憑核收。辭之。卒年七十有三。病革時。猶講尚書無逸篇。以訓子孫。且囑以事親爲大。守身爲本等語。皆關切要。今其後裔尚守遺訓。弗替。清光緒二十一年。鄉人合詞請旌焉。

張遇清。字際亨。城南邱家營莊人。增廣生。天資淳厚。表裏如一。而儒風俠骨。道能並張。嘗值歲大祲。餓殍相望。遇清煮粥賑濟。賴以全活者甚衆。族黨有貧不能葬者。代購棺木殯斂之。性耽吟咏。與同里王公蔭堂相友善。更唱迭和。無虛日。性尤愛菊。藝菊多至百餘種。類非凡豔。每值重陽佳節。就家賞菊者。絡繹不絕。邑孝廉吳芷軒。素負才名。爲作叢菊圖。並題詩以贈。曰。同治十一年。壬申之

孟冬。冰紋裂浦澈。清韻聞霜鐘。百卉俱已腓。寒山但青松。路偶逢故人。車馬與之從。入門具杯酌。相對開心胸。一室正南向。編籬當列墉。主人性愛菊。自以菊爲農。蒔芸日不倦。益盜羅重重。孤芳抗晚節。老圃增秋容。大者意雄渾。細者態芙蓉。翫賞意難盡。酬答愧疏慵。寫作叢菊圖。淵明應笑儂。詩書畫均清雅。爲人所贊賞。尤想見時際昇平。士大夫風雅宜人。之趣云。著有友菊軒詩草待刊。子鳳鳴。邑廩膳生。鳳翔。清光緒壬寅併科舉人。庚戌舉貢。會考中式。以主事分部任用。歷任陸軍部郵傳部主事。

張青選。行善好施。爲義不倦。清光緒九年。灤縣大水。災民盈野。因奉親遺命。毀家捐賑。州牧轉詳督憲具題。奉旨建堂構承先。絲綸褒美之坊。又出資修治道路橋梁。大夫坨等多莊。公送德重鄉里匾額。

龐遇榮。字鵬南。四區龐清水莊人。六歲失恃。承庭訓。得食廩餼。中咸豐辛酉科

灤

縣

志

卷十一

人物篤行

二八

舉人。同治初。選授衡水教諭。到任後。訓迪諸生。循循善誘。無倦容。士林感激。公送師嚴道尊匾額以頌之。光緒五年。以親老告歸終養。甫週歲。雙親繼沒。優游林下者十餘年。值灤河水漲。歲大歉。省憲委員來放急賑。遴派遇榮辦理振務。按村查放。數閱月不辭勞瘁。州牧郭公奇中。具疏上聞。次年選授安州學正。檄甫下。而遇榮已沒數月矣。子鎮廩生。鉉增生。

吳會隆。字海秋。清光緒己卯科副貢。候選教諭。董理海陽書院。章制規模。具有條理。而會隆有功桑梓。則以庚子拳變。聯軍駐境。一役爲最大。方聯軍之乘勝長驅東下也。時聯軍由津沽東下。灤境適當其衝。人心惶駭。莫知死所。會隆挺身犒師。不

避艱險。躬謁彼軍統帥。陳明灤無拳匪。以全家爲質作保。卒能感動彼軍。協定互不侵擾。當其時彼軍入境者。初俄軍。繼則德法英日各軍。陸續踵至。會隆相機肆應。咸無責言。不獨灤境賴以保全。鄰縣如樂亭遷安。同受庇護。得以無擾。事竣。地方人士。共製忠信篤敬四字匾額。以旌其門。

晁大任字佐清五區暗牛淀人暗牛淀或作印步淀七世同居家有榴花一株高丈餘粗如盎自前清康熙初年歷數朝至民國二十四年已二百餘年矣聞其後裔云每年冬際須將花由地中掘出用數人昇置地窖內藏之加意培護明年春分後再由窖中昇出栽植地上故能永久繁榮亦民間之瑞應也

桂林侯煥堯灤州刑書晁氏七世同居記云同治壬申堯判灤偶因潘河之役至暗牛淀止刑書晁佐清家入其庭藹然之氣溢人眉宇庭有榴花數十株鮮豔奪目大者高與檐齊小者栽植盆中羅列盈砌詢之則其高祖手澤之遺也迄今已百數十年相傳七世矣夫高會矩矱前人所留後世不加珍惜者滔滔皆是吾觀晁氏之榴因之有感焉昔田家荆樹析居則枯合好則榮物猶如此而况人乎晁氏若子若弟其共勉之則張公之九世不足多矣且吾聞佐清為吏甚謹常守公門修行之箴後不更昌大耶於心郡守游公甚器之烏知厥後不更昌大耶於邑人張鳳翔詠晁氏榴花云二百餘年歲不差一株古豔石榴花靈根得地猶繁茂七世同居積善家端陽節屆始含英萬朶朱霞映日明不似田家紫荊樹一朝分爨判枯榮

民國

姚貴士字志賢五區嶺上鎮人幼穎悟讀書鄉塾為儕輩冠因少孤家道中落

灤縣志卷十一 人物 篤行

不得已改營漁業弟貴俊早亡貴士上事寡母下對孀婦盡孝盡禮鄰里咸稱道之待人尤極忠厚鄉人地有與貴士鄰者鄉人售其地將平日侵占貴士地一並售去貴士知之不與之較迺曰古者虞芮國君尚且讓畔余獨不能學古人耶年六十三無疾而終子立聰教育局主任

韓澤普字仁波清武庠生一區杜家峪人性勤儉無嗜好父文會卒以一身盡力持家使子弟入學讀書好排難解紛里有爭端必使之平息清季創立學校充勸學所勸學員縣內初小設立澤普贊助之力居多宣統二年舉孝廉方正民國二年縣公署改組充第一科科員子超萬庠生優級師範畢業夢月保定軍官學校畢業弟雨霖字杏林清武庠生孝性友任俠熱心教育族姪夢弼家寒不能讀助之入學城南小山菴小學皆伊昆仲經營之力也子夢熊奉天講武堂畢業充鐵甲車隊大隊長

袁樹字作霖三區蘇各莊人幼嗜學讀書穎悟過人補博士弟子員清光緒己

丑科舉於鄉。性溫和儉樸。待人忠厚。兩歲卽失恃。繼母生弟滋淳。友于甚篤。而事親則昏定晨省。孝道尤屬無虧焉。時值光緒中葉。連年歉收。家境日窘。咸願各爨。自謀生計。澍乃將產業盡讓於兩弟。而自以舌耕糊口。遇鄉里有紛難之事。必力爲排解。而後已。光緒二十一年。闔境大饑。多餓死。親赴城。面見州牧。借得倉穀五十石。悉數散給村中。貧民賴以全活者甚衆。鄉人至今稱之。光緒末。以鹽運司庫大使。分發吉林試用。歷任禁烟總局幫辦等差。均著勞績。民國七年。回籍省親。旋舉爲縣議會議員。對於政治興革之事。提出議案。成績甚著。而續修縣志事宜。亦經極力籌備。始克成立。年七十四歲卒。

馬文炳。字煥章。古冶趙各莊人。幼聰穎。嗜學不倦。家貧膏油不給。乃爇香火照讀。困而手疲。火燔於卷。痕嘗斑然。古之囊螢映雪。不啻也。事親敬順無違。孝行聞於里黨。仲弟文靈。中年夫婦相繼歿。與季弟文耀。共撫遺孤三人。爰如己出。軫其疾寒。督其課業。均使有聲學校。名滿士林。配王氏。閩內雍穆。有冀缺如賓。

灤

縣

志

卷十一

人物 篤行

四〇

之敬。親朋之相習者。咸服其齊家以禮焉。清宣統己酉間。周公學熙。興辦開灤煤礦。知君誠篤。爲衆所信仰。請襄助爲理。君稔知國家之富強。在乎振興實業。故不辭勞怨。慨任其事。久之。利源旣闢。國家與民咸受其福。而君亦坐收其利。天之報施善人。固不爽也。君先世嘗設義塾於鄉里。後漸廢弛。暨家業振興。乃以提倡教育爲己任。前後凡創辦男女初級小學各一所。購地築舍。款皆自籌。經營始終。有條不紊。年七十餘卒。鄉里思其對於家庭之整肅。社會之殷拳。毅力熱心。沒世不朽。爰立德範碑。以旌其懿行焉。

鄧永豐。字飛昇。唐山西劉家莊人。性仁厚。忼爽。見義勇爲。事苟利於人。雖傾囊指困不惜也。居村迤北。有羊腸古道。崎嶇偏仄。行人苦之。永豐於其自治良田中。另闢新路。以通車馬。咸稱便焉。村中農人。向無取土公地。偶有畚築。時感困難。永豐因施地二畝。作爲公用。以便村中取求。本村係屬礦區。民國九年。掘煤地陷。殃及居民。遭難者又無力他徙。乃籌墊鉅款萬金。購地百餘畝。分給各戶。

爲建築之基。使災民復獲安居。郭解莊居民飲料素感缺乏。永豐費款數百元。於太平街鑿井引泉。以飲之。里巷道路坎坷。獨力捐修石路。遂收一勞永逸之效。凡地方公益。居者行者。無不利賴之焉。其對於貧苦之民。則於唐山救濟所。按年贊助以成其美。歲杪復備棉衣施捨。年以爲常。唐山自開關礦區。五方雜處。客死者每收葬無人。永豐乃於唐山東南里許。購地二十五畝。劃爲義園。無主之骨。悉瘞喪於是。平生尤熱心教育。愛惜人才。適逢國家廢科舉。興學校。唐山同仁。創建校舍。虧款甚鉅。首先墊款千元。後出貲購置儀器標本。校內設備。遂稱完善。至同仁女校。同仁分校。劉家莊小學。喬屯國民分校等。皆有捐助。賴以提倡維持。卽遠在天津之社會教育辦事處。嘗捐款二千元。八善堂賑款。亦不時捐助。蓋善行固無分畛域也。年八十二卒。黎大總統。徐大總統。前後獎以敬教勸學。至性過人。匾額以旌其門。子天聚。天才。天盛。對於義舉。尤能繼承先志。克紹箕裘焉。

灤

縣

志

卷十一

人物 篤行

四一

宋誥。字際周。八區宋各莊人。幼讀書聰穎過人。年未冠。因分爨輟學。性慷慨好施與。鄉鄰有告貸者。力爲周濟。雖積欠不索償也。嘗以歲歉。免佃戶租。無德色。與人交游。久而彌敬。故終年賓客往來不絕。有古晏子風焉。居鄉排難解紛。一秉公理。卽遇至難解決之事。不易屈服之人。而折以片言。往往感泣悔過。其摯誠動人。有如此者。清光緒甲午歲大饑。貧民麇集。謀奪富室之糧。羣情大駭。誥至。婉爲勸導。並爲代募糧食分給之。衆遂散。地方賴以保全。清末變法興學。在村中首先創辦小學校。以開風氣。平生急公好義。濟困扶危。孜孜罔倦。歿之日。新舊同學。爲勒碑銘功。以紀其實。至今稱道弗衰。不愧爲一鄉之善士云。碑文見邱墓。

劉俊升。字凱元。八區橋頭屯人。幼失怙。賦性仁孝。事親能先意承志。得其歡心。俊升經營商業。善計然術。富致鉅萬。清光緒乙未。淫雨爲災。哀鴻遍地。俊升辦理賑務。撫恤難民。公款不足。時出己款以繼之。活人無算。親朋借貸。皆酌量應

付無吝色。嘗奉縣諭勸捐。積穀三千餘石。庚子拳匪之亂。自出灤錢千餘串。由毅軍借槍百支。編練民團。地方賴以安堵。其救濟貧困。急公好義類如此。以故開設唐山市之同成商號。大受影響。因而停業。凡已所負人之債。悉數償還。而人所負己之債。則未嘗追索也。於是財由散而復聚。家既落而中起。而冥默中若有天相之者。所謂作善降祥。種德收福。良非虛語。嘗充唐山警務局警董。保衛分局局長。及商會總理。於地方公益事。無不潔己奉公。盡誠擔任。故屢蒙上憲褒獎。而對於地方教育。尤極熱心。自捐學款二千餘元。創立同仁小學校。復籌基金四千四百元。並籌收灰石捐。爲常年經費。又創設同仁女子小學。及同仁分校。俾學齡兒童。悉受教育。徐大總統題贈模範搢紳。敬教勸學匾額。以旌之。年八十五卒。子三。仲恩培。庠生。留學日本法學士。孫八。次鍾秀。交通大學畢業。三鍾華。四鍾蘭。電報學校工業專門學校畢業。

王廷羽。十區高家城子莊人。慷慨好施。予凡地方義舉。雖千金不吝也。張家城子莊。有初級小學。絀於款。未能舉辦。廷羽慨捐鉅款一千四十元。以助之。始克成立。民國十四年。河北教育廳。獎以貽惠青年匾額。而縣長亦獎以樂善好施匾額。以爲好善者勸云。

(十一) 忠義

編者按論語云士見危授命又云有殺身以成仁夫值邊疆多事之秋社稷危亡之日際此強敵壓境大難當前執鞭弭以周旋於疆場之上非抱鐵石之貞心具松筠之勁節鮮有舍生取義爲國捐軀者茲則馬革裹屍用酬壯志英名大節亙古常昭書之邑乘亦足以勵薄俗也

元

王仲添州人爲鮮卑元帥副統膽略過人時金主南奔汴梁燕信安水軍張進嬰城固守時賊出沒封境騷動仲添訓練兵農且耕且戰爲持久計寇至城下仲添與都統趙簡松引兵逆戰簡松陷入敵軍仲添突入陣中擊刺所向披靡以簡松出獨殿而歸戊子四月寇復至仲添在圍兵寡力盡而死

明

熊嘉志邑貢生崇正時任定興教諭志素諳兵法初至見城不設備撫膺歎曰既當官宜灑熱血報朝廷耳丙子城陷慷慨就義死

馮運隆字翊明由明經任河間府訓導壬午冬流寇至守陴力戰城陷不屈死

清

王可就字向明以將才任山東撫標游擊勦巨盜王進周撥宣等又撫賊張正等數萬人以功陞延安參將值逆賊謝化奇作亂勦平之陞慶陽東協副將閣部洪經略題調恢復雲貴鎮守偏橋其地有諸葛洞者江多怪石舟楫不能通軍需皆民丁負運因召父老叩狀僉曰中有巨石高數丈石下有洞識云若要此洞開除非諸葛來自昔畏難輒止就慨然力任募石工勇慧者鑿之巨石下得一碣有丁口京邊九十公之語乃武侯筆隱就名於中衆皆踴躍數旬成功土人勒石記之以功陞杭州城守副將先是杭多猾賊賄通當道不肖者復左袒賊就與賊唐起凡戰敗之兵道某反謂誤入平民爲盜因與抗論事白督撫遂專任就起凡遣密說就不出戰願代爲資緣得總戎就怒曰鼠子視我爲何

如人乃敢爾。誓殄滅之。遂乘元日。會兵圍其崖。親登手刃之。餘黨悉降。初起凡兵稱百萬。爲杭害者幾二十年。至是始平。上首嘉其功。加陞榮祿大夫。署都督同知。賜蟒玉。封三代。任杭時。總督被江賊劫。所佩刀。急召與議。就獻策。阻塞沿江便路。置塘戍守。率兵嚴捕。江賊遂平。尋陞福建副總兵。以都督同知。署督標中營事。赴京陛見。上親臨試射。授雲南臨元。徵江等處總兵官。時吳逆變作。復奉旨召見。賜綵緞二表裏。諭曰。可速回閩。密察耿藩。恐效尤吳逆也。遂星馳踰仙霞嶺。耿逆密遣四僞官要於途。日夜嚴防。不容死。既至。圖乘間誅逆。謀洩。迫趨都尉府。度不能免。仰天歎曰。大丈夫不能爲國除賊。夫復何言。舉家號泣。隨之。不顧。遂遇害。年六十二。上憫其忠。賜祭。廕二子。長應麟。任榮昌令。次應薦。性至孝。以母老不仕居鄉。任義周恤。於就沒後四年卒。

高顯辰。字欽思。第子。順治戊子舉人。授德安令。有膽略。理繁治劇。措置裕如。以迴避。再補南甯郡丞。陞雲南守。時吳藩跋扈。麾下倚勢虐民。大吏莫敢誰何。顯辰獨移文該管。諷刺之。途值則面折其過。上官同僚。俱爲之惴惴。規以勿捋虎鬚。顯辰怒曰。吾輩天子命吏。何可詭隨異性王之帳下兒耶。卒以是得禍。當吳逆之變也。逼司府入。授以僞職。顯辰拒詞偏愆。吳命杖之於市。發永昌軍安置。乃服毒死。音耗斷絕。妻戈氏自經。女適滇臬李興元子毓秀。亦同時受禍。事聞。贈顯辰太僕寺卿。廕一子入監。

吳一鳴。字聞九。乾隆丙午科武舉。充兵部差官。銓授山東曹州營守備。嘉慶元年。陝西教匪滋事。奉檄堵禦黃河蘭陽口。二年。告請出征。隨赴興安軍營。三年八月。勦賊於漢陰鎮。奮勇當先。賊衆披靡。一鳴亦身被重傷。四年正月。傷少愈。卽自請引隊出師。屢有斬獲。六月十九日。大遇賊衆於孟石嶺。時步騎止三百餘人。皆殊死戰。殺傷過當。賊衆引卻。會天大雨。援兵未至。賊四集。遂遇害。詔贈四品服。賞銀卹葬。入祀昭忠祠。世襲雲騎尉。食半俸。

石均。字竹生。城內人。前貴州貴陽府煦之子。任貴州都勻知府。咸豐七年七月

到官。八月朔。苗匪亂作。城陷。罵賊而死。長子鏊在省得凶耗。往尋父屍。不得。數日遇柝卒。指示鼓樓旁。以蘆席蔽者。啟視之。果均屍也。體無完膚。左手失四指。口無舌。惟面目如生。鏊見狀。痛幾死。遂具棺歛葬。先是均授朗岱同知。苗困城三月。均率衆登陴守禦。城不可下。食且盡。勢急。適某參戎兵過境。賊疑援至。始解圍去。巡撫以守城功。保陞知府。先委署都勻。謂之曰。都勻衝要地。苗破城屢矣。非君不勝其任。均以無兵辭。不允。遂託妻子於巡撫。慨然去。不閱月而殉難。事聞。賜卹。予世職。鏊當承襲。未幾亦卒。

鄭愚。字勿詐。七士子。家屏孫也。家貧少孤。流寓湖北。道光乙巳。回籍。應童子試。不售。報捐豫工。議叙以巡檢用。分發湖北。咸豐間。髮逆陷楚。全家殉難。事聞。奉旨賜恤。予世廕。事下所司。前牧案其族譜。例應承繼者。詳請承襲到部。卒以銓司無援繫。不報。

何建鼇。字立夫。鑲紅旗漢軍籍。邑之筱水坡人。性敦謹誠樸。幼從學於族兄材

灤

縣

志

卷十一

人物忠義

四五

武善射。由武舉入營伍。咸豐初。隨征髮逆。擒斬林鳳翔等。以功至偏裨。賞戴花翎。實補京營遊擊。十年。隨僧忠親王勦捻匪。擢翼長。轉戰四省。掃穴擒渠。拳旗斬馘。殄滅土匪。教匪。捻匪等股。不可勝紀。同治初。叙功陞副將軍。以陸路總兵用。復破大股捻匪。獲巨魁張洛行。斬之。旋戮宋景詩於高唐。滅苗沛霖於蒙亳。賊勢遂衰。時金陵髮逆。賴文洸任柱等北竄。張總愚者。洛行姪也。領其衆。糾合之。爲流寇。剽掠於楚豫齊皖間。賊燄復熾。四年二月。王師追及於豫之魯山。王揮軍撲之。兵勇殊死戰。賊披靡狂竄。晝夜窮追數百里。王師已疲。而追猶不已。建鼇以爲兵法所忌。諫王不從。及之於曹州府屬高家樓。士氣百倍。賊膽落。已獲勝矣。王以親軍貫賊陣。將自後兜勦之。建鼇督兵齊進。賊窮促。另以兩翼橫衝。截我軍爲二。各隊驚退。建鼇率親兵數名。尋王。賊蜂擁至。圍之數重。建鼇大呼。鬚髯戟張。奮馬衝突。當之者死。屍相枕藉。賊計傷建鼇馬。復徒步格鬥。手刃數賊。力竭死。賊恨之。醢其肉。翌日王亦遇難。事聞。上深憫悼。照提督例卹。附祀

忠親王專祠。予世廕罔替。謚曰果毅。

劉攀梅。貴州副總兵攀桂弟。咸豐間以經制外委。隨黔營與賊戰。陣亡。予世職。入祀昭忠祠。

佟攀梅。字詩橋。橋頭社女織寨人。旗籍。中道光戊戌科武榜眼。頭等待衛。初任貴州平越州游擊。薦陞至雲貴提督。咸豐六年。督勦粵匪。鏖戰於黔省麻哈州。大軍失利。攀梅陣亡。事聞。賜卹。予世職。騎都尉。兼雲騎尉。罔替。準於貴州建立專祠。

張銅。字鑄勳。八區稻地鎮人。保定武備學堂畢業。充雲南陸軍管帶官。駐防騰越。辛亥事起。部下響應。張力持忠君愛國之說。遂遇害。

李秉鈞。少孤。友愛以教。弱弟。敬禮以事。孀嫂。秩秩如也。光緒壬寅。銓授福建泰寧知縣。勤政潔己。有古循吏風。辛亥國變。夫婦仰藥以殉。紳民不忍沒其節。請於孫督道仁。呈請政府。付清史館立傳。

灤縣志 卷十一 人物忠義

四六

謹按舊志載有明末太監王之心殉節事。查與明史不符。因刪之。

民國

魏長林。字蔭軒。奉天鐵嶺籍。灤之邱家營人也。保定軍官學校畢業。服務奉軍。不數年。薦升旅長。民國十八年。中東路肇岬。奉令率師禦俄。轉戰至海拉爾。敵衆我寡。援軍不至。衆弁咸勸暫退。以避兇鋒。斥之曰。今日之戰。正大丈夫捐軀報國之時。勝敗由天。吾欲馬革裹屍。不求生還也。旋大呼陷陣。敵人乘飛機數架。拋擲炸彈。外受包圍。一軍盡覆。遂沒於陣。事聞。國家優加撫卹。記云。能執干戈以衛社稷。禦外侮而殺身成仁。雖敗猶榮也。

佟明義。字劍秋。祖籍遼甯。傳爲佟公養性之裔。清初隨征入關。以勳閥踐土受田。徙居灤縣。遂家焉。及清中葉。簪笏不絕。後漸式微。佟君嘗以不克承先志爲恨。少年奮志讀書。兼習劍術。民國初年。肄業講武堂。充教練官。升中東路護路大隊長。繼充財政部緝私特務團第一營營長。奉令勦匪。出師九江。沙河之役。

乘勝追勦。誓清巢穴。以區區小醜。不難滅此朝食。遂奮勇大呼陷陣。不料匪衆大集。節節包圍。至彈盡援絕。猶手刃數人。溺身以殉。朱將軍慶瀾輓以詞云。寇盜干戈。民困極矣。伊誰衛民。舍生取義。佟君奮起。殺賊而死。凜凜英風。長江萬里。年祚雖短。其靈則長。如古烈士。萬世之望。

耿瀛洲。二區遊觀莊人。幼讀書。應童子試不第。遂棄文習武。善騎射。以科場屢次拂意。投効行間。值庚子之亂。轉戰津沽。幾瀕於危險。以實缺都司。歷保花翎游擊。駐紮石家莊。充武衛軍。山西續備巡防等軍管帶。護理大同府總鎮。兼統領中路巡防馬步全軍等職。因與當局政見不合。遇難於晉北。賈志以終。瀛洲素抱大志。不事家人生產。每以求舍問田爲羞。事母以孝聞。在軍界二十餘年。所得薪餉。除奉母外。所餘盡賞給官兵。周濟親友。毫無私蓄。以營置田產。一生對於公戰。勇往直前。恆以馬革裹屍爲念。有古名將風。每次請假省親。往返十餘日。即在母屋晝夜侍奉。不離左右。母遣之去。亦不歸私室。婉詞答云。母年邁。

灤

縣

志

卷十一

人物忠義

四七

來日短。多侍一日。卽盡人子一日之心。以免百年後之追悔。其孝思蓋如此。旋里之日。必召集合族老幼。宣講忠孝大義。故至今族中無爭訟之事。皆瀛洲感化之力也。其他若修築家祠。創辦學校。諸善舉。鄉鄰咸被其利益。至今尤稱頌不置云。

(十一)耆壽

編者按昔香山繪九老圖清帝開千叟宴值明盛之時爲耆英之會後世每豔稱之然養老之禮本於三代尙齒之義見於歷朝相沿至今其道不廢是皆國家之人瑞鄉黨之德輝登諸簡冊亦敬老之一端也

清

郭應榮乾隆十六年舉鄉飲耆賓

陳光瓌乾隆十六年舉鄉飲耆賓

王昆石乾隆十七年舉鄉飲耆賓

劉之廉監生年九十五歲乾隆辛卯賜給六品頂戴

陳連世乾隆十八年舉鄉飲耆賓

陳泰年逾八十乾隆六十年赴千叟宴賜給七品職銜及黃絹壽杖銀牌

趙廷倉年九十二歲乾隆六十年赴千叟宴賜給六品職銜及黃絹壽杖銀牌

灤縣

志

卷十一

人物耆壽

四八

劉錫金樂善好施稱於里黨乾隆間年八十一歲恭逢皇太后七旬聖壽覃恩賜九品頂戴銀牌

闕瑗乾隆戊申舉人年近九十猶赴公車嘉慶己未恩賜國子監學正銜

王若芝字九莖庠生性純篤寡言笑精於醫以素問靈樞爲根柢自漢唐以來服膺景仲思邈餘則謂各有偏至可以博涉未可以爲折衷也故臨證審脈預知人之生死百不失一年九十餘尙強飯健步生平活人無算後無疾而卒

張繩祖庠生年九十四歲妻李氏年九十二歲嘉慶十年知州莫公額其門曰巖芝雙瑞

宣敬字一齋娶魏氏夫妻皆年近百歲耳目聰明精神邁旺子孫五世同堂嘉慶十五年修邑志時鋟板皆於敬取材焉刺史吳士鴻贈聯額以旌之

宋文瀛歲貢生力學善醫年登耄耋選訓導不就

王蘊歲貢生年八十餘應順天鄉試恩賜國子監學正銜

王士魁農家子生平正直溫厚能忍辱壽至一百二歲

李蕙字虞安乾隆丙午舉人任滿城縣教諭局度雅豁不吝施與告歸後兩邀覃恩享上壽焉

秦克岐子孫繁衍五世同堂嘉慶五年欽賜五葉衍祥額

孫密歲貢生精通醫學貧人死無以斂者恆施以棺五世同堂卒年八十三歲

張文明性純孝喜施濟咸豐元年壽屆九旬恩賜九品頂戴又三年無疾終

劉文顯年七十五已見元孫州牧賜以五世同堂匾額後年至八十五歲卒

張國起年九十二歲時長子純年七十一歲次子聚年六十七歲三子經年六

十歲五世同堂同治四年旌

王信符毛家莊人後徙居南窩家貧少孤弟兄三人符其季也伯兄務農歲荒

覓食關外幾三十年不通音耗仲兄忽歿無嗣符有至性思兄切間關二千里

徒步尋之得兄悲喜交集兄已娶嫂子女成行矣其境尙窘符強勸之歸乃攜

灤

縣

志

卷十一

人物 壽

四九

妻子入關符時已小康割產以居兄嫂後兄沒撫姪如己出卒年八十六歲咸

豐中舉鄉飲耆賓學使者旌其門曰齒德兼優

王意誠貢生五世同堂同治十一年知府游公智開旌其門

魏振聲年八十八歲妻年七十八歲州牧游公智開賜雙壽齊眉額

丁漢升監生性嚴肅不苟言笑家距暗牛淀集七里一生未嘗入市七旬後市

美材預製喪具遇親友貧不能斂者輒曰於我乎取不索其值至八十五歲卒

凡四製棺衾云

張希孟字緒業張家泡人持家嚴肅有法親眷百餘口同居合爨凡日用起居

衣服飲食一準高曾之制分毫無所移易一家化之秩然藹然累世不聞囂陵

詬諱之聲前郡公游公智開旌其門今已九世同居矣希孟年八十七歲

邱岩年八十歲光緒二十年皇太后萬壽慶典赴京祝嘏例賞衣裝銀四兩

張大德邱家營人舉鄉飲耆賓上憲獎以厚德載福匾額子遇清見篤行

吳峻山井離莊人年八十六歲光緒甲辰州牧獎以齒德兼優匾額

李峻庠生東沙窩莊人舉鄉飲耆賓

李嘯東沙窩莊人舉鄉飲耆賓

李萬清東沙窩莊人年九十歲州牧旌其門曰齒德兼優

曾傳璋張各莊人年八十二歲樂善好施舉鄉飲耆賓

五世同堂

張允升咸豐元年一百五歲稻地鎮人

李勳同治九年一百二歲大工莊人

常輝宗光緒二十三年一百三歲梁各莊人

梁萬福光緒二十二年一百一歲曾家灣人

楊大興光緒八年九十二歲儕城鎮人

張存良光緒十三年九十四歲北高家莊人

灤縣志 卷十一 人物耆壽

清年逾九十歲

唐先樂宋家道口人

張有財張家營人

高彥宏安各莊人

紀廷蘭曹各莊人

清年逾八十歲

張得爵張家莊人

侯超年大福坨人

畢繼業畢家莊人

吳昌坦景離莊人

孟繼傳沈家莊人

張君輔碑院子人

秦紹曾秦家莊人

朱釗新莊子人

王克武王家官寨人

鄭昶本城人

趙顯臣安機寨人

李恭葛代坨人

劉貴科李上莊人

趙文蘭趙家莊人

張振碑院子人

胡柏黃家莊人

戚永廉蟲兒林莊人

彭向午塔頭莊人

張君信張家城莊人

吳振功井離莊人

高希士安機寨人

王發何家寨人

兵其祥王家圈人

王會國各莊人

陳啟小崗兒上人

宣永成劉家窪人

張贊	高瑞珍	沈貴	趙泰	胡連	王者臣	劉耀	曹從義	張蘭	毛成顯	劉桐	劉萬傑
莊大顧人	莊常各人	莊軍營人	坨西玉人	莊康各人	莊庫司人	莊肘各人	營曹家人	莊豐信人	莊黃家人	莊麻地人	莊范家人

楊成年	楊岳昆	畢順侯	郭秉順	任如璧	王純德	郝君弼	趙國安	馬連柏	毛成嘉	馮克恭	徐濟
莊柳贊人	莊喻家人	莊魯各人	莊郭家人	莊潘家人代	莊嶺上人	莊生理人	莊趙家人	社狗兒人	莊黃家人	坎馮家人	莊大豐谷人

王守先	白寶鎔	湯潤川	楊連雙	譚義安	趙芳	楊春	李九德	王琯	魯域	楊珠	李天才
人本城	人本城	寨吳家人官	莊林西人	鎮開平人	莊周家人東	鎮僂城人	兒李家人土	莊王家人東	社周南人	坨茨榆人	園姜家人

灤縣志

卷十二

人物耆壽

李永勤	李燼	趙連英	張現	王文彬	張文明	張儒	崔賓	朱印伯	曾宏仁	尹玉	張秀復
坨葛代人	店湛家人	莊嶺坨人	坨杜家人平	莊河南人	子新莊人	營沈家人	莊荆各人	鎮榛子人	莊張各人	鎮稻地人	鎮稻地人

耿秀儒	王聰	裴向謙	李富	陳立基	張維城	田舒	崔宣	耿三畏	朱桂	韓君仲	劉錫金
鎮稻地人	莊桑園人	莊狼坨人	莊李家人	莊染各人	坨杜家人平	莊甲坨人	莊荆各人	莊姬家人	莊魯家人新	鎮開平人	鎮馬城人

高德壽	李鵬飛	邢御卿	錢士柱	李勳	王坦	張鳳威	耿士英	馬永興	宋朝柱	安通	張鐸
泡高家人	莊孫家人	莊坨里人	坨錢家人輝	上大弓人	莊劉家人	莊平坨人	莊遊觀人	莊王盼人	城獨莫人	莊安家人	寨莊子人

楊秉發 莊稅務人

王福財 莊王家東人

郝漸達 莊陳家人

孫成 莊茨榆人

楊凌漢 莊開平人

李長齡 莊范各人

安通 莊齊家人

李玉山 莊城子人

康明 莊劉家人

侯文會 莊東沙窩人

清年逾七十歲

灤縣志

卷十二

人物耆壽

王殿蘭 子毛莊人

王福臨 莊王家東人

郭福祿 莊栗園人

彭昌明 莊店坨人

李順 莊白草窪人

楊國祥 莊楊董各人

任勇 莊任家人

李明久 莊李家嶺人

張國寬 莊馬城人

田明星 莊洛營人

李階升 莊李家開人

郝成龍 鎮古冶人

常慶 莊常各人

賈清 莊劉家人

屈鴻殿 莊六甲人

康明 莊西八戶人

張沈 莊大姚各人

姚慶田 莊大姚各人

凌儒柏 莊榛子人

吳景奎 莊木城人

李文明 莊糜家人

耿大椿 莊稻地人

鄭儉 莊殷家人

郭傳武 莊郭各人

王側 莊司家人

張珮璿 莊稻地人

王希敏 莊前窰人

宋可任 莊連北人

魏哲 莊小營人

商喜宗 莊張家人

王德昇 莊王家東人

劉占高 莊馬城人

馮克寬 莊坎家人

王璧 莊任各人

郭傳經 莊郭各人

王守謨 莊北圈人

馬萃 莊馬家人

陳國祥 莊王家東人

魏楷 莊小營人

張國順 莊邢家人

商興宗 莊張家人

安希廣 莊張家人

耿樂山 莊稻地人

李有餘 莊老新人

杜鶴齡 莊杜家人

韓成智 莊韓家人

韓發 莊榛子人

石玉堂 莊石家人

陳國仕 莊王家東人

魏坦 莊小營人

榮于桂 莊三間人

劉慎思 莊北陽人

崔爽 莊各莊家人

曾茂玉 莊張各人

灤縣志

卷十二

人物耆壽

李德明

子西城人

王煥瑞

莊常各人

葛為詩

莊侯家人

王殿

莊羅各人

張明德

莊甄家人

楊文陞

莊林西人

彭學海

莊塔頭人

黃雲

莊羅各人

吳漢鼎

和尙人

李振

莊周家人

王引年

莊王家官

周德裕

莊潘家代

任強

子任店人

劉玉

鎮稻地人

馬耀德

莊王盼人

張希天

莊張家人

呂慶太

莊侯家人

顧璽

莊大顧家人

孟君楫

莊潘家代

黃印

莊羅各人

曹克明

莊小葛人

徐振

莊老里人

張哲

莊張家人

張潤

莊姜家人

崔沛

營高官人

邊輔齡

鎮稻地人

閔際恩

莊稅務人

李鳳

鎮稻地人

楊珣

莊東缸人

潘其洙

莊潘家代

黃發

莊羅各人

唐雲峰

莊港北人

苗永英

莊苗坨人

楊馥

莊僑城人

周德鄰

莊潘家代

田發

莊馬官人

楊敬天

吳家官

劉企湯

莊蘭坨人

陳殿

莊林東人

齊讓

莊栗園人

劉永萬

莊侯各人

鄭埔

莊營城人

張尊賢

莊張家人

高會

莊雙廟人

王立才

莊牛家東

劉攀鰲

莊僑城人

周兌

莊柏各人

王耀崑

莊吳家東

趙玉春

頭大莊人

王勝芝

莊榮各人

孫成緒

莊喬家人

高簿

莊鐵局人

李雲深

莊侯各人

張泰雲

莊大顧人

吳鍊

莊張家人

耿玉書

莊李家平

周廷贊

莊東缸人

夏雲錦

莊夏家人

鄭兆先

莊王家卷

鄭克敏

莊本城人

王善元

莊王顧人

李希曾

莊李家莊

趙懷宗

莊喬家人

馬國榮

莊王盼人

鄭遴魁

莊營城人

張峒

莊龍王人

于殿元

莊六甲人

苗忠

莊稻地人

劉崇禮

莊半壁人

顧廷標

莊馬城人

張廣淑

莊本城人

李可芳

莊女織人

桑順德 莊邊人

柴德靜 莊黃家

王天有 莊清水

于世文 莊石匠

楊增 宋家口道人

劉景閣 莊曹各

劉秉榮 莊郝各

張國泰 方家泡人

王立藩 鎮僑城人

劉四民 橋劉家小

苗順功 莊大苗

高耀峰 莊王輩

王玉璋 莊張各

李英 莊樊家

安堯 莊本城

李天相 莊學各

唐建倉 宋家口道人

鄭克恭 莊本城

劉文治 莊馬城

吳可行 莊蕭家

趙探桂 莊石佛

劉四敬 橋劉家小

苗順榮 莊大苗

管自增 莊栗園

宗殿福 莊馬溝

鄭克致 莊本城

陳占文 莊新莊

孫燾 莊開平

韓廷惠 莊賈家

安鏞 莊安家

劉文富 莊馬城

牛萬倉 莊齊家

高尙志 莊王輦

孫江 莊董各

苗順昌 莊大苗

孫茂通 莊會家

灤縣志

卷十二

人物 耆壽

潘其泗 莊潘家代

吳峻山 莊井離

馬振德 莊馬家

安兆芳 莊安各

魏永良 莊魏家

李邦俊 莊沙河

張世榮 莊常家

屈林 莊管各

秦允陞 莊秦家

秦廷成 莊秦家

吳昌成 莊井離

張廷標 莊張家博

吳君祿 莊井離

屈春 莊管各

張文學 莊交六

陸長旺 莊陸家

顧天錫 莊史家

王廷選 十區高家城子人。幼讀書。稍長業農。喜閱農政樹藝等書。年逾九十二歲。身健壯如少年。人或問以何術致此。曰節嗜欲。勤勞動而已。

民國年逾八十歲

姜桂新 莊張各

侯際春 莊東沙窩

曾紀沂 莊張各

趙連文 莊趙家

侯際清 莊東沙窩

王弼 莊小廟

吳尙林 莊井離人

薛萬益 莊薛家人

曾紀宣 莊張各人

潘榮 莊蟲兒人

王振泰 莊川林人

楊玉振 莊東楊家人

楊振國 莊西楊家人

民國年逾七十歲

魏福來 莊小廟人

吳傑漢 莊井離人

曾紀然 莊張各人

潘富 莊蟲兒人

戚忍 莊蟲兒人

凌玉祥 莊徐家人

楊志清 莊東楊家人

張凌閣 莊馬莊人

傅鵬舉 莊太平人

吳連傑 莊井離人

曾廣進 莊張各人

潘志 莊蟲兒人

王振邦 莊川林人

凌玉符 莊徐家人

楊志盛 莊東楊家人

宣夢庚 莊本城人

趙環 莊趙家人

灤縣志

卷十二

人物耆壽

(十二)流寓

編者按。流寓卽寄居也。久處異鄉。未能入籍。每以流寓稱之。如漢廉范。父客死於西蜀。范遂流寓西川是也。舊志載流寓僅七人。益以郡志二人。共九人。清制於客籍人。限制極嚴。異鄉人。非滿六十年。不准入本地籍。今則苛例悉除。一本大同主意。固無所謂流寓也。

金

任詢。字君謨。易州人。官老歸休於灤。其後遂世爲灤州義豐人。父貴。有才幹。善繪事。喜談兵。宣政間。游江浙。詢生於虔州。爲人慷慨多大節。篤嗜詩書。工書畫。在大定間。號稱獨步。王庭筠獨以才具許之。正隆三年進士。歷官益都都勻判官。北京運使。年六十四致仕。優游鄉里。稱南麓先生。卒祀鄉賢。行實載中州集。

明 黃象奎。江西贛州人。原姓李。名逢月。天啟辛酉舉人。授兩當知縣。以土寇破城。

灤

縣

志

卷十一

人物 流寓

五六

逃匿至灤。祝髮蕭寺。諸生蔡某。見而異之。勸蓄髮。與共筆硯。開館橫經。後教授於撫甯。知名士多出其門。奎遂於易。精岐黃之術。施藥濟人。全活甚衆。卒葬紫荆山下。

黃衍相。字六治。福建莆田人。太學生。肆力古文詩歌。尤擅臨池。博求名帖。規撫神似。以宰相黃中五薦。任中書。遷工部郎。管司經局正字。時次輔魏廣微。疏救楊左。爲相手書。璫銜之。乘經筵日。傳旨切責。削籍。押出都門。崇正初。詔復原官。相絕意仕進。不赴。流寓灤州。購古書畫。益精行楷。世得片紙。寶若拱璧。年七十卒。子孫遂爲灤州人。開平寺金剛經。碧霞宮匾額。並灤治前碑。皆其手筆云。劉憲孟。字聖翼。浙江會稽人。性紆澹。耽詩書。人稱爲書愚。明末入北籍。爲諸生。餼於郡庠。以授經自給。卒。門人葬之州原。歲時祭祀。

清

卓金殿。浙江錢塘人。年十八。遊學至灤之高各莊。歲貢生高南卿。見而異之。延

爲館師。凡經史子集及詩古文詞，叩之多有所得。南卿以其年少疑之，一日招名宿數人與談，卓雄辨驚筵，如流不竭。南卿故謂諸客曰：家藏漢書缺一頁，欲借全本補鈔，未得。卓曰：無庸，有行秘書在，衆以爲夸。席散，諸客皆留，將以觀其能否。卓乃取書閱上下文，略沈思，卽奮筆急書，畢，覓原本證之，無一字差。客皆大驚。後入灤籍，補庠生。中乾隆癸卯鄉試，年七旬餘，終老京師。一子改姓金，不知所在。

佟文光，長白人。廩貢生。秋闈屢薦不售。其家累世勳舊，卜祖塋於灤州之城西，遂寄居焉。博聞強識，精於翰墨。凡秦漢隸篆，以及黃筌青鳥、杏林鐵筆、虛中內史、元保之學，無所不通。手訂有怡心錄四帙。

朱秉懿，字德符，宣化人。幼隸宣化鎮標，諳營務。由把總於咸豐七年署灤州城守千總，性和雅，治事安閒，聯卒伍如指臂，而約束綦嚴。咸豐間，髮逆竄天津，大府檄州縣練鄉團，時州紳無知兵者，推公總其事，區畫防守事宜，莫不井井。後

灤

縣

志

卷十一

人物藝術

五七

以柳生左肘，解任調養，寄居於灤，旋徙開平鎮，卒葬其地。子孫家焉。

姚左庭，籍江西，自其父流寓於灤之長春里，遂家焉。父子世醫，活人無算，尤敦友愛，三世同炊。其子孫皆有祖父風。郡志

宋輝祖，宛平人，丙辰科舉人，揀選知縣，因攜家教讀，卒於灤州牧署，遂卜葬於灤之松亮社，新城子村。子孫因家焉。生平刻意力行，究心文藝，所著有震川文稿行於世。郡志

(十四) 藝術

編者按。藝術一門。卽向之所謂方伎也。舊志略而不載。夫十步之內。必有芳草。十室之邑。必有忠信。灤地雖處邊鄙。而精於藝術者。未嘗乏人。凡書畫醫藥星卜。有一技可稱者。皆兼收並錄。况近日國家。提倡藝術。得此亦可爲先河之導云爾。

金

任詢。字君謨。易州人。官老歸休於灤。詢爲人慷慨多大節。嗜詩書。工書畫。在大定間。號稱獨步。見流寓

明

黃象奎。江西贛州人。流寓於灤。精岐黃術。施藥濟人。全活甚衆。見流寓
黃衍相。字六治。福建莆田人。太學生。流寓灤州。擅臨池。精行楷。博求名帖。規橰神似。人得片紙。寶若拱璧。開平寺金剛經。灤治前碑。皆其手書。年七十卒。見流寓

灤

縣

志

卷十一

人物藝術

五八

許莊。字德徵。城南响堂莊人。十四歲試經策。卽授廩餼。凡天文地理。陰陽戰陣。律呂兵刑。醫卜納甲之術。無不究討。著有先天方輿圖說等書。見仕績

清

李恩捷。字春圃。善畫工詩。見文學

衛鈍。字玉鏘。庠生。善鐵筆書畫。見文學

趙翹。字翔韶。號橫南。孝廉。工行草。見文學

姚左庭。贛人流寓於灤。遂家焉。與父均習俞跗之術。懸壺濟世。活人甚衆。見流寓

魏廷樑。字定人。清康熙時人。居城南邱家營。善畫山水花鳥。亦工人物。頗有古致。鄉曲間盛稱之。至今猶尊爲老畫師焉。年八十餘卒。

閔德生。字峻天。武庠生。工書善畫。尤精墨竹。邑人爭寶之。見文學

黃福。邑李氏僕。善書畫。嘉慶間。其主人李沅。字練江。工行草書。爲金竹坡高第。一日沅書古冶鎮人和齋匾。屢書不稱意。呼福至示之。福對曰。主書非不善。惜

人字與後二字不勻稱耳。沅曰然。汝試爲之。福應命。一揮而就。沅稱善。後繪古冶鎮東大覺寺廟壁。西湖十景。遠近驚異。郡志

孫密。歲貢生。精通醫理。活人無算。貧不能葬者。施捨棺木。見者壽

宋文瀛。歲貢生。力學善醫。活人無算。年登大耋。見者壽

鄭七士。字志年。家屏子。工棋善畫。稱能品。

王作肅。字子恭。大本子。業儒。善行楷。大草。得僧懷素意。又工擘窠大字。東門內義倉匾額。卽其遺墨也。

畢恆貞。字子久。僂城人。廩生。雪莊畢梅孫。工制藝。善寫生。尤長於畫蟹。惜早卒。未竟其業。

民國

張燦。字東村。張海莊人。廩膳生。能詩善畫。擅山水。尤工花鳥。見文學

田仲琳。字子眞。邑之稻地鎮人。喜讀書。不求仕進。工繪事。尤善擘窠大字。遠近

灤縣志 卷十一 人物 藝術

求書者踵相接。邑海陽書院。舊有觀海堂匾額。筆勢雄偉。現仍存縣中學校內。

高鴻霄。字止園。城南三里莊人。歲貢生。善岐黃術。鄉里病者。延請診視。不受酬

謝。見仕學

周作霖。字輔臣。城南遷義莊人。善畫小品。尤工草蟲。有栩栩欲活之致。不輕著

筆。故知者希焉。

張逢隆。字石樓。武庠生。連北店人。善畫山水人物。近日灤邑畫家。無出其右者。

薛富春。字麗亭。歲貢生。安徽池州府經歷。善翎毛花卉。惟不常著筆。故其畫存

者太稀。

王荷。字澣之。城南任各莊人。三河訓導士珍子。性亢直。有俠士風。工書法。善篆。刻以巡檢分發山東。繼投効奉天。歷署西豐柳河等縣。所至多惠政。斷獄不泥

己見。卒以性直罷官。宦囊蕭索。卒後貧幾不能葬。

朱繼經。字六詒。榛子鎮人。清甲午科舉人。善篆隸楷書。尤長繪事。花卉清超拔。

俗而指頭畫尤佳。在灤境畫界中當首屈一指也。見仕蹟
吳灼字春華。城內人。素工醫術。精內科。平生捨藥施醫。全活無算。清光緒癸卯
迄丙午年。邑屬患疫厲。求醫者踵相接。春華一一診治。均不辭勞悴。嘗有鄰村
某。午夜叩門求醫。家人勸待天明往治。春華惻然曰。人以急症求醫。舉家皇皇。
望醫如望歲。惡容候天明耶。竟往治而愈之。其慈心仁術多類此。
賀殿恩字蔭臣。城南田家疇人。法律專科畢業。精岐黃術。對於傷寒瘟疫二科。
尤具特識。遠近爭延診治。活人無算。不受酬報。

